

**ZAKON  
O IZVRŠNOM POSTUPKU  
FEDERACIJE BOSNE I HERCEGOVINE**

# ZAKON O IZVRŠNOM POSTUPKU

## Dio prvi

### *I - OSNOVNE ODREDBE*

#### *Sadržaj zakona*

##### Član 1

- (1) Ovim zakonom uređuje se postupak po kojem sudovi u Federaciji Bosne i Hercegovine (u daljem tekstu: Federacija ) provode prinudno ostvarenje potraživanja na osnovu izvršnih i vjerodostojnih isprava (u daljem tekstu: izvršni postupak) ako posebnim zakonom nije drukčije određeno.
- (2) Odredbe ovog zakona ne primjenjuju se na postupke izvršenja propisane posebnim zakonom.

#### *Značenje pojedinih izraza*

##### Član 2

Izrazi upotrijebljeni u ovom zakonu imaju ova značenja:

- 1) "potraživanje" označava pravo na neko davanje, činjenje, nečinjenje ili trpljenje,
- 2) "tražilac izvršenja" označava osobu koja je pokrenula postupak radi izvršenja nekog potraživanja te osobu u čiju je korist taj postupak pokrenut po službenoj dužnosti,
- 3) "izvršenik" označava osobu protiv kojeg se potraživanje ostvaruje,
- 4) "stranka" označava tražioca izvršenja i izvršenika,
- 5) "učesnik" označava osobu koja u postupku izvršenja nije stranka, a u postupku učestvuje zbog toga što se u njemu odlučuje o nekom njenom pravu ili zbog toga što za to ima pravni interes,
- 6) "rješenje o izvršenju" označava rješenje kojim je u cijelosti ili djelimično prihvaćen prijedlog za izvršenje ili kojim se izvršenje određuje po službenoj dužnosti,

- 7) "zaključak" označava sudski nalog ili drugu odluku suda kojom se upravlja izvršnim postupkom i odlučuje o drugim pitanjima kad je to izričito predviđeno ovim zakonom,
- 8) "izvršitelj" označava sudskog službenika koji po nalogu suda neposredno preuzima pojedine radnje u izvršnom postupku,
- 9) "zemljoradnik" označava osobu kojoj je poljoprivredna proizvodnja pretežni izvor prihoda,
- 10) "poduzetnik" je fizička ili pravna osoba odnosno ortakluk koja prilikom zaključivanja nekog pravnog posla obavlja svoju privrednu ili samostalnu profesionalnu djelatnost,
- 11) "banka" označava banku ili finansijsku organizaciju koja obavlja poslove platnog prometa.

### ***Pokretanje postupka***

#### **Član 3**

- (1) Izvršni postupak pokreće se prijedlogom tražioca izvršenja.
- (2) Izvršni postupak pokreće se i po službenoj dužnosti kao i po prijedlogu osoba i organa kad je to zakonom izričito određeno.
- (3) Osobe i organi iz stava 2. ovog člana imaju u izvršnom postupku položaj tražioca izvršenja.

### ***Nadležnost***

#### **Član 4**

- (1) Izvršenje određuje i provodi sud određen zakonom.
- (2) Mjesna nadležnost sudova određuje se odredbama ovog zakona u zavisnosti od sredstva i predmeta izvršenja.

### ***Hitnost i redosled postupanja***

#### **Član 5**

- (1) U postupku izvršenja sud je dužan da postupa hitno.
- (2) Sud je dužan da predmete uzima u rad redom kako ih je primio, osim ako priroda potraživanja ili posebne okolnosti zahtijevaju da se postupi drugačije.

## ***Sredstva i predmet izvršenja***

### **Član 6**

- (1) Sredstva izvršenja su izvršne radnje ili sistem takvih radnji kojim se po zakonu potraživanje prinudno ostvaruje.
- (2) Predmet izvršenja su stvari i prava na kojima se po zakonu može provesti izvršenje radi ostvarenja potraživanja.
- (3) Izvršne radnje mogu se neposredno sprovesti protiv izvršenika i drugih osoba u skladu sa ovim zakonom.

## ***Izuzimanje od izvršenja***

### **Član 7**

- (1) Predmet izvršenja ne mogu biti stvari van prometa kao ni rudno blago i druga prirodna bogatstva.
- (2) Predmet izvršenja ne mogu biti objekti, naoružanje i oprema za potrebe oružanih snaga i policije, kao ni novčana sredstva obezbjeđena za te namjene.

## ***Ograničenje sredstava i predmeta izvršenja***

### **Član 8**

- (1) Sud rješenjem određuje izvršenje onim sredstvom i na onim predmetima koji su navedeni u izvršnom prijedlogu.
- (2) Ako je predloženo više sredstava ili više predmeta izvršenja sud može ograničiti izvršenje samo na neke od tih sredstava ili predmeta, ako su dovoljni za ostvarenje potraživanja.
- (3) Ako se izvršno rješenje o izvršenju na određenom predmetu ili sredstvu ne može provesti, tražilac izvršenja može radi namirenja istog potraživanja predložiti novo sredstvo ili predmet izvršenja, o čemu će sud odlučiti rješenjem.

## ***Podnesci, ročišta i spisi***

### **Član 9**

- (1) U izvršnom postupku sud postupa na osnovu podnesaka i drugih pismena.
- (2) Sud održava ročište kad je to ovim zakonom određeno ili kad smatra da je održavanje cjelishodno.
- (3) O ročištu, umjesto zapisnika, sudija može sastaviti službenu zabilješku.

- (4) Sud će izvan ročišta saslušati stranku ili učesnika u postupku ako je to predviđeno ovim zakonom, ili ako smatra da je to potrebno radi razjašnjenja pojedinih pitanja ili izjašnjavanja o nekom prijedlogu stranke.
- (5) Izostanak jedne ili obiju stranaka, kao i učesnika sa ročišta, ili njihovo neodazivanje pozivu suda radi saslušanja, ne sprečava sud da dalje postupa.
- (6) Podnesci u izvršnom postupku podnose se u dovoljnom broju primjeraka za sud, protivnu stranku i druge učesnike u postupku.

### ***Dostavljanje***

#### **Član 10**

- (1) Po pravilima o ličnom dostavljanju iz Zakona o parničnom postupku dostavlja se samo rješenje po prijedlogu za izvršenje, rješenje po prigovoru na rješenje o izvršenju, rješenje o izricanju novčane kazne i zaključak iz člana 37 ovog zakona.
- (2) Kod izvršenja na osnovu izvršne isprave ukoliko se stranka kojoj pismeno treba dostaviti ne nalazi na adresi naznačenoj u prijedlogu a niti na adresi odnosno sjedištu prijavljenom kod nadležnog organa, dostava se vrši putem oglasne table suda i za slučaj lične dostave.

### ***Sastav suda i odluke***

#### **Član 11**

- (1) Izvršni postupak u prvom stepenu vodi i odluke donosi sudija pojedinac.
- (2) Pojedine radnje i donošenje odluke kojima se ne odlučuje po prigovoru mogu se povjeriti stručnom saradniku.
- (3) Odluke u izvršnom postupku sud donosi u obliku rješenja ili zaključka.

### ***Pravni lijekovi***

#### **Član 12**

- (1) Redovni pravni lijekovi u izvršnom postupku su prigovor i žalba, osim ako ovim Zakonom nisu isključeni.
- (2) Protiv rješenja donesenog u prvom stepenu može se izjaviti prigovor, a žalba kad je to ovim Zakonom određeno.
- (3) Prigovor se izjavljuje sudu koji je donio rješenje u roku od osam dana od dana dostavljanja, ako ovim zakonom nije drukčije određeno. O prigovoru odlučuje sud koji je donio rješenje.

- (4) Protiv rješenja donesenog po prigovoru može se izjaviti žalba u roku od 8 dana od dana dostave rješenja. O žalbi odlučuje sud drugog stepena.
- (5) Prigovor i žalba ne zaustavljaju tok izvršnog postupka ali se namirenje tražioca izvršenja odlaže do donošenja odluke prvostepenog suda po prigovoru. Iznimno, kada je izvršnom ispravom određena obaveza izdržavanja ili kada se izvršenje provodi naplatom sa transakcijskog računa pravne osobe u korist imaoaca istog takvog računa kao tražioca izvršenja kao i drugim slučajevima određenim ovim zakonom, može doći do namirenja prije donošenja odluke po prigovoru.

~~(4)~~(6) Protiv zaključka nije dozvoljen pravni lijek.

### ***Izvršnost i pravomoćnost***

#### **Član 13**

- (1) Rješenje protiv koga nije izjavljen u roku prigovor, postaje izvršno i pravomoćno.
- (2) Rješenje protiv koga je prigovor odbijen, postaje izvršno, a ako protiv takvog rješenja nije dopuštena žalba i pravomoćno.
- (3) Rješenje kojim je prigovor odbijen, postaje pravomoćno ako žalba ne bude o roku izjavljena ili ako žalba bude odbijena.
- (4) Ukoliko je ovim zakonom određeno da se protiv prvostepenog rješenja može izjaviti žalba umjesto prigovora, to rješenje postaje izvršno, a pravomoćno propuštanjem roka za izjavu žalbe ili ako žalba bude odbijena.

### ***Vanredni pravni lijekovi i povraćaj u predašnje stanje***

#### **Član 14**

- (1) Protiv pravomoćnog rješenja donesenog u postupku izvršenja nije dozvoljeno ulaganje vanrednih pravnih lijekova.
- (2) Povraćaj u predašnje stanje dozvoljen je samo zbog propuštanja roka za prigovor i žalbu na izvršno rješenje o izvršenju.

### ***Rokovi za postupanje***

#### **Član 15**

Sud je u pravilu dužan da o prijedlogu za izvršenje odluči u roku od tri dana, a o prigovoru u roku od 15 dana od dana podnošenja prigovora.

## ***Troškovi postupka***

### **Član 16**

- (1) Troškove postupka u vezi sa određivanjem i provođenjem izvršenja prethodno snosi tražilac izvršenja.
- (2) Tražilac izvršenja dužan je troškove postupka predujmiti u roku koji sud odredi. Sud će obustaviti izvršenje ako troškovi ne budu predujmljeni u tom roku, a bez toga se izvršenje ne može provesti. Ako u roku ne budu predujmljeni troškovi o kojima zavisi preduzimanje samo neke radnje, ta se radnja neće provesti.
- (3) Troškove postupka koji je pokrenut po službenoj dužnosti prethodno podmiruje sud iz svojih sredstava.
- (4) Izvršenik je dužan tražiocu izvršenja nadoknaditi troškove koji su bili potrebni za izvršenje.
- (5) Tražilac izvršenja dužan je izvršeniku nadoknaditi neosnovano prouzrokovane troškove.
- (6) Zahtjev za naknadu troškova podnosi se najkasnije u roku od petnaest dana od dana završetka postupka.
- (7) O troškovima postupka odlučuje sud u izvršnom postupku i u tom postupku određuje, na prijedlog stranke, izvršenje radi njihova ostvarenja.

### **Novčana kazna i prinudne mjere u izvršnom postupku**

### **Član 17**

1. Kad je ovim zakonom novčana kazna predviđena kao sredstvo izvršenja, može se izreći fizičkim osobama u iznosu od 500 KM do 5000 KM, a pravnoj osobi u iznosu od 1000 do 100 000 KM zavisno od ekonomske snage obaveznika.
2. U slučaju iz prethodnog stava, novčana kazna u iznosu od 500 KM do 5000 KM može se izreći i odgovornoj osobi u pravnoj osobi.
3. Novčana kazna iz stavova 1. i 2. ovog člana može se ponovo izricati ako izvršnik ne postupi po ponovljenom nalogu suda ili nastavi da postupa protivno zabrani.
4. Prije izricanja novčane kazne sud je omogućiti izvršeniku da se izjasni, a po potrebi održi i ročište radi izvođenja dokaza.
5. Novčanu kaznu rješenjem izriče sudija, vodeći računa pri odmjeravanju visine kazne o značenju radnje koju je izvršenik morao obaviti te o drugim okolnostima slučaja. Rješenjem se određuje rok plaćanja.
6. Osoba kojoj je kazna izrečena može izjaviti prigovor protiv rješenja u roku od tri dana od prijema rješenja.

7. Osoba kojoj je kazna izrečena u skladu sa ovim članom snosi sve troškove nastale izricanjem i izvršenjem te kazne.
8. Nakon izvršnosti rješenja, novčanu kaznu napla}uje sud po službenoj dužnosti, u korist budžeta iz kojeg se izvršni sud finansira. Troškovi izvršenja terete predračunska sredstva suda, a nakanada ovih troškova koje sud određuje zaključkom, izvršava se u postupku prinudne naplate novčane kazne.
9. Odredbe ovog člana ne mogu se primjenjivati ako je izvršenik Bosna i Hercegovina i njeni entiteti, kantoni, grad, op}ina i upravna organizacija, te tijela ovih pravnih osoba, ali se shodno primjenjuju odredbe o kažnjavanju odgovornih osoba, ukoliko zakonom nije drugčije određeno.
10. Novčna kazna po odredbama ovog člana može se izre}i i izvršiti prema izvršeniku i drugim fizičim i pravnim osobama, kao i odgovornim osobama u pravnoj osobi, i u slučaju da odbiju dati podatke o imovini izvršenika, kao i kada svojim radnjama i postupcima, protivno sudskom nalogu ili zabrani skrivaju, ošte}uju ili uništavaju imovinu izvršenika ili ometaju sud u provođenju izvršnih radnji.
11. Ako izvršenik ili neka druga fizička osoba prijetnjom ili nasilnim ponašanjem ometa provođenje izvršnih radnji, sud je može ukoloniti primjenom fizičke prinude. Prigovor na rješenje o izricanju ove mjere ne zadržava izvršenje.

## ***J e m s t v o***

### **Član 18**

- (1) Kad ovaj zakon propisuje davanje jemstva, jemstvo se daje u gotovini. Izuzetno, sud može odobriti davanje jemstva u obliku bankarske garancije, vrijednosnih papira, te dragocjenosti čiju je vrijednost lako utvrditi na tržištu i koje se mogu brzo i jednostavno unovčiti.
- (2) Bosna i Hercegovina i njeni entiteti, kantoni, gradovi i op}ine i njihovi organi i službe nisu dužni dati jemstvo kad u postupku učestvuju kao stranke.
- (3) Na datom jemstvu protivna stranka stiče zakonsko založno pravo.
- (4) Ako sud u izvršnom postupku odluči o pravu protivne stranke na naknadu troškova postupka u vezi sa radnjom zbog čijeg preduzimanja je jemstvo dato, na njezin će prijedlog istim rješenjem odlučiti i o naplati utvrđenog potraživanja iz tog jemstva.

## ***Izvršenje odluke stranog suda***

### **Član 19**

Izvršenje odluke stranog suda može se odrediti i sprovesti ako odluka ispunjava zakonom propisane uvjete za priznanje.





### *Izvršenje na imovini strane države*

#### **Član 20**

- (1) Na imovini strane države i međunarodnih organizacija ne može se odrediti izvršenje bez pismene saglasnosti Federalnog ministarstva pravde, osim ako je strana država pristala na izvršenje.
- (2) U slučaju iz stava 1. ovog člana Federalno Ministarstvo pravde dužno je prethodno pribaviti mišljenje Ministarstva vanjskih poslova Bosne i Hercegovine.

### *Primjena odredaba drugih zakona*

#### **Član 21**

- (1) U izvršnom postupku na odgovarajući se način primjenjuju odredbe Zakona o parničnom postupku, ako ovim ili drugim zakonom nije drukčije određeno.
- (2) Na materijalno-pravne pretpostavke i posljedice provođenja izvršnog postupka na odgovarajući se način primjenjuju odredbe zakona kojima se uređuju stvarna prava odnosno obligacioni odnosi.

## **Dio drugi**

### **IZVRŠNI POSTUPAK**

#### **Poddio prvi**

#### **A. ZAJEDNIČKE ODREDBE**

#### ***I - IZVRŠNA I VJERODOSTOJNA ISPRAVA***

#### ***Osnove za određivanje izvršenja***

#### **Član 22**

Sud određuje izvršenje samo na osnovu izvršne ili vjerodostojne isprave, ako ovim zakonom nije drukčije određeno.

#### ***Izvršna isprava***

#### **Član 23**

(1) Izvršne isprave su:

1. izvršna odluka sudova i izvršno sudske poravnane,
2. izvršna odluka donesena u upravnom postupku i poravnane u upravnom postupku, ako glasi na ispunjenje novčane obaveze, ukoliko zakonom nije drukčije određeno,
3. izvršna javnobilježnička/notarska isprava,
4. odluka Doma za ljudska prava podesna za sudske izvršenje,
5. druga isprava koja je zakonom određena kao izvršna isprava.

(2) Pod izvršnom ispravom iz t. 1, 2, 3 i 5 stav. 1 ovog člana smatra se svaka takva isprava donesena u Bosni i Hercegovini.

#### ***Odluka i poravnane***

#### **Član 24.**

- (1) Sudskom odlukom, prema ovom zakonu, smatra se presuda, rješenje, te druga odluka donesena u postupku pred sudom i arbitražom, a sudskim poravnanjem smatra se poravnanje zaključeno u postupku pred sudom i arbitražama.
- (2) Odlukom u upravnom postupku, prema ovom zakonu, smatra se rješenje i zaključak koji su u upravnom postupku donijeli upravni organi i službe ili pravna osoba sa javnim ovlaštenjima, a upravnim poravnanjem smatra se poravnanje zaključeno u smislu Zakona o upravnom postupku.

### ***Izvršnost odluke***

#### **Član 25**

- (1) Sudska odluka kojom je naloženo ispunjenje potraživanja na neko davanje ili činjenje izvršna je ako je postala pravomo}na i ako je protekao rok za dobrovoljno ispunjenje. Rok za dobrovoljno ispunjenje teče od dana dostave odluke izvršeniku ako zakonom nije drukčije određeno.
- (2) Sudska odluka kojom je naloženo ispunjenje potraživanja na neko trpljenje ili nečinjenje (propuštanje) izvršna je ako je postala pravomo}na, osim ako je u izvršnoj ispravi određen poseban rok za usklađivanje ponašanja izvršenika s njegovom obavezom.
- (3) Odluka donesena u upravnom postupku izvršna je ako je postala izvršna po pravilima koja uređuju taj postupak.
- (4) Na osnovu odluke koja je postala izvršna u jednom dijelu, izvršenje se može odrediti samo u odnosu na taj dio.
- (5) Izvršenje će se odrediti na osnovu sudske odluke koja nije postala pravomo}na i odluke donesene u upravnom postupku koja nije postala konačna ako je zakonom propisano da žalba ili koji drugi pravni lijek ne zadržava izvršenje odluke.

### ***Izvršnost poravnanja***

#### **Član 26**

- (1) Sudsko odnosno upravno poravnanje izvršno je ako je potraživanje koje se prema njemu treba ispuniti dospjelo.
- (2) Dospjelost potraživanja dokazuje se zapisnikom o poravnanju, javnom ispravom ili po zakonu ovjerenom ispravom.
- (3) Dospjelost koja se ne može dokazati na način iz stava 2. ovog člana dokazuje se pravomo}nom odlukom donesenom u parničnom postupku kojom se utvrđuje dospjelost.
- (4) Na osnovu poravnanja koje je postalo izvršno u jednom dijelu izvršenje se može odrediti samo u odnosu na taj dio.

### ***Podobnost izvršne isprave za izvršenje***

#### **Član 27**

- (1) Izvršna isprava podobna je za izvršenje ako su u njoj naznačeni tražilac izvršenja i izvršenik te predmet, vrsta, obim i vrijeme ispunjenja obaveze.
- (2) Ako u izvršnoj ispravi nije određen rok za dobrovoljno ispunjenje obaveze, taj rok određuje se rješenjem o izvršenju.
- (3) U slučaju iz stava 2. ovog člana sud će predloženo izvršenje odrediti uz uvjet da izvršenik u roku koji mu je određen ne ispuni svoju obavezu.

### ***Naplata zatezних kamata***

#### **Član 28.**

- (1) Ako se nakon donošenja odluke ili zaključenja poravnanja izmijenila zatezna kamata, sud će, na prijedlog tražioca izvršenja, rješenjem o izvršenju odrediti naplatu zatezne kamate po izmijenjenoj stopi za vrijeme na koje se ta izmjena odnosi.
- (2) Ako plaćanje zatezne kamate na troškove postupka nije određeno već u izvršnoj ispravi, sud će, na prijedlog tražioca izvršenja, u rješenju o izvršenju odrediti naplatu tih kamata po propisanoj stopi od dana donošenja odluke odnosno zaključenja poravnanja do naplate.

### ***Vjerodostojna isprava***

#### **Član 29.**

- (1) Izvršenje radi ostvarivanja novčanog potraživanja određuje se i na osnovu vjerodostojne isprave.
- (2) Vjerodostojna isprava je, prema ovom zakonu, račun, mjenica i ček s protestom i povratnim računom i računi ili izvodi iz poslovnih knjiga za cijenu komunalnih usluga isporuke vode, toplotne energije i odvoz sme}a.
- (3) Vjerodostojna isprava je podobna za izvršenje ako su u njoj naznačeni tražilac izvršenja i izvršenik te predmet, vrsta, obim i vrijeme ispunjenja obaveze.

### ***Prelaz potraživanja ili obaveze***

#### **Član 30.**

- (1) Izvršenje se određuje i na prijedlog i u korist osobe koja u izvršnoj ispravi nije označena kao tražilac izvršenja ako ona javnom ili ovjerenom privatnom ispravom dokaže da je potraživanje na nju preneseno ili da je na nju na drugi način prešlo.

Ako se prenos ne može dokazati na taj način, prijenos potraživanja dokazuje se pravomoćnom odlukom donesenom u parničnom postupku.

- (2) Odredba stava 1 ovog člana na odgovarajući se način primjenjuje i na izvršenje protiv osobe koje u izvršnoj ispravi nije označena kao dužnik.

### ***Uvjetna i uzajamna obaveza***

#### **Član 31.**

- (1) Izvršenje koje zavisi od prethodnog ispunjenja neke obaveze tražioca izvršenja ili od nastupanja nekog uvjeta, određuje se ako tražilac izvršenja javnom ili po zakonu ovjerenom privatnom ispravom dokaže da je obavezu ispunio odnosno da je uvjet nastupio.
- (2) Ispunjenje obaveze odnosno nastupanje uvjeta dokazuje se pravomoćnom odlukom donesenom u parničnom postupku, ako tražilac izvršenja, nije u mogućnosti da to dokaže na način određen u stavu 1. ovog člana.
- (3) Ako je izvršenik po izvršnoj ispravi dužan da ispuni obavezu, uz uvjet da se istovremeno ispuni obaveza prema njemu, sud je odrediti izvršenje ako tražilac izvršenja podnese dokaz da je obezbjedio ispunjenje svoje obaveze.
- (4) Smatra se da je tražilac izvršenja obezbjedio ispunjenje svoje obaveze, u smislu stava 3. ovog člana, ako je predmet obaveze položio kod suda ili u istom cilju postupio na drugi pogodan način.

### ***Alternativna obaveza po izboru izvršenika***

#### **Član 32.**

Ako izvršenik ima pravo na osnovu izvršne isprave birati između više predmeta svoje obaveze i u roku za dobrovoljno ispunjenje sam ne obavi izbor između tih predmeta i ne ispuni dužnu obavezu, predmet kojim obaveza treba biti ispunjena određuje tražilac izvršenja u prijedlogu za izvršenje.

### ***Fakultativno ovlaštenje izvršenika***

#### **Član 33.**

- (1) Izvršenik kojem je izvršnom ispravom naloženo ispunjenje određene obaveze uz pravo da se od ispunjenja te obaveze može osloboditi ispunjenjem nekog drugog činjenja određenog u izvršnoj ispravi može to činjenje ispuniti sve dok tražilac izvršenja nije makar i djelimično primio ispunjenje obaveze.
- (2) Tražilac izvršenja ima pravo na naknadu troškova izvršnog postupka koji je obustavljen zato što je izvršenik nakon njegovog pokretanja umjesto dužne obaveze ispunio drugo činjenje određeno u izvršnoj ispravi.



## **Prekid postupka**

### **Član 34.**

1. Sud ne može prekinuti izvršni postupak da bi sačekao odluku nadležnog suda ili drugog organa o prethodnom pitanju.
2. U drugim slučajevima prekida postupka predviđenim odredbama Zakona o parničnom postupku, sud može, ako to okolnosti slučaja dopuštaju, na prijedlog stranke ili po službenoj dužnosti, odlučiti da postupak nastavi, imenovanjem privremenog zastupnika stranci u odnosu na koju je nastao razlog zbog kojeg dolazi do prekida postupka.
3. U slučaju smrti tražitelja izvršenja koji nema punomošnika ili zakonskog zastupka, svaki od nasljednika ili zainteresovanih osoba može predložiti da dok traje nasljednička zajednica, sud, na trošak predlagača, postavi nasljednicima privremenog zastupnika i postupak nastavi. Sud će imenovati privremenog zastupnika u roku od 8 dana od podnošenja zahtjeva. Ako ovakav prijedlog nasljednika ili zainteresovanih osoba ne usljedi u roku od 30 dana od smrti tražitelja izvršenja sud će obustaviti postupak.
4. U slučaju smrti izvršenika koji nema punomošnika ili zakonskog zastupnika sud će nasljednicima, ako to predloži tražitelj izvršenja, u roku od 15 dana od dana kada je primio obavjest suda o smrti izvršenika, postaviti privremenog zastupnika, na trošak tražitelja izvršenja, u pravilu iz reda osoba koje su u posjedu imovine koja je predmet izvršenja i nastaviti postupak. Sud imenuje privremenog zastupnika u roku 8 dana od podnošenja zahtjeva. Ako ovlaštene osobe ne predlože nastavak postupka u ostavljenom roku, sud će obustaviti postupak.
5. Konačne troškove tražioca izvršenja iz stava 4. ovog člana namiruju se iz imovine izvršenika.
6. Nakon prestanka nasljedničke zajednice, svaki od nasljednika može preuzeti postupak prijavom izvršnom sudu. O preuzimanju postupka i razrješenja privremenog zastupnika sud odlučuje zaključkom.

### ***Potvrda o izvršnosti***

### **Član 35.**

- (1) Ako se prijedlog za izvršenje podnosi sudu koji nije odlučivao u prvom stepenu, uz prijedlog se podnosi izvršna isprava, u originalu ili ovjerenom prepisu, na koji je stavljena potvrda o izvršnosti.
- (2) Potvrdu o izvršnosti daje sud, odnosno organ koji je odlučivao o potraživanju u prvom stepenu.



- (3) Neosnovanu potvrdu o izvršnosti ukinuće rješenjem isti sud, odnosno organ, na prijedlog izvršenika, koji mora biti podnesen u roku od 8 dana od dana prijema rješenja o izvršenju.
- (4) Ako se prijedlog za izvršenje podnosi na osnovu vjerodostojne isprave, prilaže se ta isprava u originalu ili ovjerenom prepisu.

## **II - PREDLAGANJE I ODREĐIVANJE IZVRŠENJA**

### ***Prijedlog za izvršenje***

#### **Član 36.**

- (1) Prijedlog za izvršenje mora sadržavati zahtjev za izvršenje u kojem će biti naznačena izvršna ili vjerodostojna isprava na osnovu koje se traži izvršenje, tražilac izvršenja i izvršenik, potraživanje čije se ostvarenje traži, sredstvo kojim izvršenje treba provesti, predmet izvršenja ako je poznat kao i druge podatke koji su potrebni za provođenje izvršenja.
- (2) Ukoliko je uz prijedlog za izvršenje podnesen i zahtjev za utvrđivanje dužnikove imovine, o rezultatu istrage }e sud obavjestiti tražioca izvršenja i ostaviti mu rok da podneseni prijedlog uredi odnosno izmjeni i dopuni.
- (3) Prijedlog za izvršenje na osnovu vjerodostojne isprave mora sadržavati:
  - 1) izvršni zahtjev iz stava 1 ovog člana,
  - 2) zahtjev da sud obaveže izvršenika da u roku od osam dana, a u mjeničnim i čekovnim sporovima u roku od tri dana po dostavi rješenja, namiri potraživanja, zajedno sa odmjerenim troškovima.
- (4) Ako se traži izvršenje na pokretnim stvarima, u prijedlogu za izvršenje ne moraju biti bliže naznačene te stvari ve} samo mjesto gdje se stvari nalaze.

#### **Utvrđivanje dužnikove imovine nakon donošenja presude**

#### **Član 37.**

1. Tražitelj izvršenja može u prijedlogu za izvršenje zahtjevati da sud prije donošenja rješenja o izvršenju pribavi podatke o imovini izvršenika od samog izvršenika i od drugih u zahtjevu određenih fizičkih i pravnih osoba odnosno upravnih i drugih organa i organizacija, ako učini vjerovatnim da bi mogli imati ove podatke.
2. Ovakav zahtjev se može ista}i i nakon donošenja rješenja o izvršenju ako izvršenje na predloženom sredstvu izvršenja nije uspelo.
3. Sud }e po prijemu ovog zahtjeva zaključkom naložiti izvršeniku ili drugoj osobi odnosno organu ili organizaciji, da na obrascu koji }e propisati Federalni ministar pravde, navede potpune podatke kojima raspolaže, o izvršenikovoj pokretnoj i nepokretnoj imovini, a posebno o vrsti i visini novčanih primanja i novčanih depozita izvršenika.
4. Popunjen i uredno potpisan obrazac mora biti dostavljen sudu u roku koji je sud odredio zaključkom.

5. Osobama koje po nalogu ne postupe sud }e izricati novčane kazne na način određen u članu 17 ovog zakona. Ove kazne }e se izricati i odgovornim osobama u pravnoj osobi ili organu odnosno organizaciji
6. Fizička osoba ili odgovorna osoba u pravnoj osobi ili organu odnosno organizaciji krivično }e odgovarati za davanje lažnog iskaza pred sudom ako navede nepotpune ili neistinite podatke o imovini izvršenika. Na ovu posljedicu sud mora izričito upozoriti u zaključku kojim nalaže davanje podataka.
7. Sud može mjesto izjave na propisanom obrascu zahtjevati od izvršenika fizičke osobe ili druge fizičke osobe da izjavu o imovini izvršenika da na ročištu pred sudom. Ako pozvana osoba ne}e da pristupi na ročište ili odbija da da izjavu, sud }e primjeniti odredbe stava 5. ovog člana.

### ***Povlačenje i ograničenje prijedloga***

#### **Član 38.**

- (1) Tražilac izvršenja može tokom postupka, bez pristanka izvršenika, povući u cijelosti ili djelomično prijedlog za izvršenje.
- (2) U slučaju iz stava 1. ovog člana sud će obustaviti izvršenje u cjelini ili djelimično.
- (3) Tražilac izvršenja može nakon povlačenja prijedloga podnijeti novi prijedlog za izvršenje.

### ***Rješenje o izvršenju***

#### **Član 39.**

- (1) U rješenju o izvršenju moraju biti naznačeni izvršna, odnosno vjerodostojna isprava na osnovu koje se izvršenje određuje, tražilac izvršenja i izvršenik, potraživanje koje se ostvaruje, sredstvo i predmet izvršenja te drugi podaci potrebni za provođenje izvršenja.
- (2) Ukoliko je rješenjem o izvršenju određena obaveza i naplata kamata, obračun kamate o trošku tražioca izvršenja }e obračunati izvršni sud osim kad se naplata vrši na sredstvima na računima kod banaka. U ovom drugom slučaju obračun kamate }e izvršiti banka na teret izvršenika.
- (3) Rješenjem o izvršenju na osnovu vjerodostojne isprave sud će:
  - 1) obavezati izvršenika da u roku od osam dana, a u mjeničnim i čekovnim sporovima u roku od tri dana po prijemu rješenja, namiri potraživanja, zajedno sa odmjerenim troškovima.
  - 2) odrediti izvršenje radi ostvarenja tih potraživanja,

- (4) Rješenje o izvršenju ne mora biti obrazloženo i može se izdati stavljanjem pečata na prijedlog za izvršenje.
- (5) Rješenje o izvršenju mora sadržavati uputu o pravnom lijeku.
- (6) Rješenje kojim se prijedlog za izvršenje potpuno ili djelomično odbacuje ili odbija mora biti obrazloženo.

### ***Dostavljanje rješenja o izvršenju***

#### **Član 40.**

- (1) Rješenje o izvršenju dostavlja se tražiocu izvršenja i izvršeniku.
- (2) Rješenje kojim se odbacuje ili odbija prijedlog za izvršenje doneseno prije nego što je izvršeniku bilo omogućeno da se o njemu izjasni dostavlja se samo tražiocu izvršenja.
- (3) Rješenje o izvršenju na novčanom potraživanju dostavlja se i izvršenikovom dužniku, a rješenje o izvršenju na sredstvima na računu izvršenika dostavlja se i banci.
- (4) Rješenje o izvršenju, doneseno na osnovu verodostojne isprave, dostavlja se banci tek pošto postane pravomoćno, osim ako je izvršenje određeno na osnovu mjenice i čeka sa protestom i povratnim računom, a oni su potrebni za zasnivanje zahtjeva.
- (5) Rješenje o izvršenju doneseno na osnovu mjenice i čeka dostavlja se odmah po donošenju radi pljenidbe sredstava na računu izvršenika.
- (6) Rješenje o izvršenju na pokretnim stvarima dostavlja se izvršeniku prilikom preduzimanja prve izvršne radnje. Ukoliko se pokretna stvar ne nalazi u posjedu dužnika, rješenje o izvršenju se dostavlja i osobi kod koje se stvar nalazi.

### **III -SPROVOĐENJE IZVRŠENJA**

#### ***Izvršenje na osnovu nepravomožnog rješenja o izvršenju***

##### **Član 41.**

- (1) Izvršenje se provodi i prije pravomožnosti rješenja o izvršenju ako za pojedine izvršne radnje ovim zakonom nije drukčije određeno.
- (2) Izvršenje određeno na osnovu vjerodostojne isprave ne može se sprovesti prije pravomožnosti rješenja o izvršenju, osim ako je izvršenje određeno na osnovu mjenice i čeka sa protestom i povratnim računom, ako su oni potrebni za zasnivanje zahtjeva.
- (3) Izvršenje se provodi u granicama određenim u rješenju o izvršenju.

#### ***Vrijeme izvršenja***

##### **Član 42.**

- (1) Izvršenje se provodi radnim danom, i to danju.
- (2) Sud može odrediti da se izvršenje provede i neradnim danom ili noću ako za to postoji opravdan razlog.

#### ***Rad sudskog izvršitelja***

##### **Član 43.**

- (1) Sudski izvršitelj je dužan prilikom pretresa izvršenikovog stana ili odjeće koju on nosi na sebi i preduzimanja drugih izvršnih radnji postupati s dužnim obzirom prema osobi izvršenika i članova njegovog domaćinstva.
- (2) Izvršnim radnjama u izvršenikovom stanu kojima ne prisustvuje izvršenik, njegov zakonski zastupnik, punomožnik ili odrasli član njegovog domaćinstva, moraju prisustvovati jedan punoljetni svjedok.
- (3) Izvršenje u prostoriji pravne osobe provodi se tako da sudski izvršitelj prije obavljanja izvršne radnje zatraži od zastupnika pravne osobe da on sam ili osoba koju on odredi bude prisutno njenom obavljanju. Ako zastupnik pravne osobe odbije postupiti u skladu sa zahtjevom sudskog izvršitelja ili ako ga sudski izvršitelj ne zatekne u prostoriji pravne osobe prilikom preduzimanja izvršne radnje, radnju će sprovesti u prisustvu dva punoljetna svjedoka.
- (4) Ako izvršnu radnju treba sprovesti u prostoriji koja je zaključana, a izvršenik ili njegov zastupnik nije prisutan ili neće prostoriju otvoriti, sudski izvršitelj otvoriće prostoriju u prisustvu dva punoljetna svjedoka i policije.

- (5) O obavljanju izvršnih radnji prema odredbama st. 2. do 4. ovog člana sudski izvršitelj sastaviće poseban zapisnik koji će potpisati pozvani svjedoci, a primjerak zapisnika ili obavjest o izvršenoj sudskoj radnji prilično se na vrata stana odnosno prostorije.

### ***Ometanje sudskog izvršitelja u radu***

#### **Član 44.**

- (1) Sudski izvršitelj je ovlašten da udalji osobu koja ometa sprovođenje izvršenja, a prema okolnostima slučaja i zatražiti pomoć policije. Policija je dužna postupati po nalogu sudskog izvršitelja. Sudski izvršitelj može, po potrebi, naložiti i upotrebu sile prema osobi koje ometa izvršenje.
- (2) Pri postupanju policije po nalogu sudskog izvršitelja na odgovarajući se način primjenjuju propisi o unutrašnjim poslovima.
- (3) U slučaju nepostupanja policije po zahtjevu sudskog izvršitelja za pružanje pomoći u sprovođenju izvršenja, sud je dužan o tome obavjestiti ministarstvo unutrašnjih poslova kantona putem kantonalnog ministarstva pravde.

### ***Nepravilnosti pri sprovođenju izvršenja***

#### **Član 45.**

- (1) Stranka ili učesnik mogu podneskom tražiti od suda da otkloni nepravilnost koju je sudski izvršitelj učinio u sprovođenju izvršenja.
- (2) Sud može zaključkom ukinuti nezakonite i nepravilne radnje sudskog izvršitelja.

## ***IV – PRIGOVOR***

### ***Prigovor***

#### **Član 46.**

- (1) Rješenje o izvršenju može se pobijati prigovorom.
- (2) U pogledu sadržaja prigovora na odgovarajući način se primjenjuju odredbe o žalbi iz Zakona o parničnom postupku.
- (3) Rješenje kojim je prijedlog za izvršenje odbačen ili odbijen tražilac izvršenja može pobijati žalbom.

### ***Razlozi za prigovor***

#### **Član 47.**

Prigovor protiv rješenja o izvršenju može se podnijeti iz razloga koji sprečavaju izvršenje, a naročito:

- 1) ako isprava na osnovu koje je doneseno rješenje o izvršenju nije izvršna isprava, ili ako isprava nije stekla svojstvo izvršnosti,
- 2) ako je izvršna isprava na osnovu koje je doneseno rješenje o izvršenju ukinuta, poništena, preinačena ili na drugi način stavljena van snage, odnosno ako je na drugi način izgubila svoju djelotvornost ili je utvrđeno da je bez učinka,
- 3) ako su se stranke, javnom ili po zakonu ovjerenom ispravom sastavljenom nakon nastanka izvršne isprave, sporazumjele da neće na osnovu izvršne isprave, trajno ili za određeno vrijeme, tražiti izvršenje,
- 4) ako je protekao rok u kojem se po zakonu može tražiti izvršenje,
- 5) ako je izvršenje određeno na predmetu koji je izuzet od izvršenja, odnosno na kom je mogućnost izvršenja ograničena,
- 6) ako tražilac izvršenja nije ovlašten tražiti izvršenje na osnovu izvršne isprave odnosno ako nije ovlašten tražiti izvršenje protiv izvršenika,
- 7) ako nije ispunjen uvjet koji je određen izvršnom ispravom, osim ako zakonom nije drukčije propisano,
- 8) ako je potraživanje prestalo na osnovu činjenice koja je nastala u vrijeme kad je izvršenik nije više mogao ista}i u postupku iz kojeg potiče odluka, odnosno ako je potraživanje prestalo na osnovu činjenice koja je nastala nakon zaključenja sudskog ili upravnog poravnania,
- 9) ako je na osnovu činjenice koja je nastala u vrijeme kad je dužnik nije više mogao ista}i u postupku iz kojeg potiče odluka, odnosno ako je na osnovu

činjenice koja je nastala nakon zaključenja sudskog ili upravnog poravnjanja, trajno ili za određeno vrijeme, odgođeno, zabranjeno, izmijenjeno ili na drugi način onemogućeno ispunjenje potraživanja.

- 10) ako je nastupila zastarjelost potraživanja o kojem je odlučeno izvršnom isravom.

### ***Odgovor na prigovor***

#### **Član 48.**

- (1) Prigovor protiv rješenja o izvršenju dostavlja se suprotnoj stranci.
- (2) Odgovor na prigovor može se podnijeti u roku od tri dana od dana dostavljanja prigovora.
- (3) Po prijemu odgovora na prigovor ili po isteku roka za odgovor sud }e, prema okolnostima slučaja donijeti rješenje bez određivanja ročišta ili zakazati ročište za raspravljanje o prigovoru.

### ***Rješenje o prigovoru***

#### **Član 49.**

- (1) Rješenjem donesenim po prigovoru, prigovor se usvaja ili odbija ili se odbacuje kao neblagovremen, nepotpun ili nedozvoljen.
- (2) Ako usvoji prigovor, sud }e, prema okolnostima slučaja, obustaviti izvršenje u cjelosti ili djelimično i ukinuti sprovedene radnje.

### ***Postupak povodom prigovora protiv rješenja o izvršenju na osnovu vjerodostojne isprave***

#### **Član 50.**

- (1) Izvršenik će u prigovoru protiv rješenja o izvršenju na osnovu vjerodostojne isprave odrediti u kom dijelu pobija to rješenje. Prigovor mora biti obrazložen.
- (2) Ako u prigovoru nije određeno u kom dijelu se pobija, obim pobijanja će se cijeniti na osnovu obrazloženja.
- (3) Neobrazložen prigovor sud }e odbaciti.
- (4) Ako se rješenje o izvršenju pobija u potpunosti ili samo u dijelu kojim je utvrđeno postojanje potraživanja, prijedlog za izvršenje smatra}e se tužbom i u tom slučaju sud }e postupati po odredbama parničnog postupka.



- (5) Kada je podnesen prigovor iz prethodnog stava, sud će odgoditi izvršenje i nastaviti ga, na prijedlog tražioca izvršenja, nakon pravomoćnosti odluke parničnog suda, ako tražilac izvršenja uspije sa tužbom.
- (6) Ako prvostepeni parnični sud odbije tužbeni zahtjev i ukine rješenje o izvršenju u pobijanom dijelu, naložiće i obustavu izvršnog postupka. Nakon pravomoćnosti ove odluke parničnog suda, izvršni sud će rješenjem konstatovati da je izvršni postupak obustavljen i ukinuće provedene radnje u izvršnom postupku.
- (7) Ako se rješenje o izvršenju pobija samo u dijelu kojim je određeno izvršenje, dalji postupak nastaviće se kao postupak po prigovoru protiv rješenja o izvršenju donesenog na osnovu izvršne isprave.
- (8) Ako se prigovor iz stava 7 ovog člana prihvati, dio rješenja o izvršenju kojim je izvršeniku naloženo da namiri potraživanje ima svojstvo izvršne isprave na osnovu koje se može ponovo tražiti izvršenje.

## ***V - PRIGOVOR TREJE OSOBE***

### ***Pretpostavke za prigovor***

#### **Član 51.**

- (1) Osoba koja tvrdi da u pogledu predmeta izvršenja ima takvo pravo koje sprječava izvršenje može podnijeti prigovor protiv izvršenja tražeći da se izvršenje na tom predmetu proglasi nedopuštenom.
- (2) Prigovor se može podnijeti do dovršetka izvršnog postupka. Podnošenje prigovora ne sprječava provedbu izvršenja i ostvarenje tražbine tražioca izvršenja, ako ovim zakonom nije drukčije određeno.
- (3) Sud će prigovor dostaviti tražiocu izvršenja i izvršeniku i pozvati ih da se u roku od osam dana očituju o prigovoru.

### ***Upuživanje na parnicu***

#### **Član 52.**

- (1) Ako se tražitelj izvršenja u propisanom roku ne izjasni o prigovoru ili ako se usprotivi prigovoru, sud će podnosioca prigovora zaključkom uputiti da svoja prava ostvaruje u parnici, osim ako podnosilac ne dokazuje opravdanost svoga prigovora pravomoćnom presudom. U ovoj parnici podnositelj prigovora ne može tražiti obustavu izvršnog postupka.
- (2) Ako podnositelj prigovora dokazuje njegovu opravdanost pravomoćnom presudom, sud će o prigovoru odlučiti u izvršnom postupku.
- (3) Upuživanje na parnicu iz stava 1. ovog člana ne zaustavlja postupak izvršenja.

*Kad se ne može tražiti da se izvršenje proglasi nedopuštenom*

**Član 53.**

- (1) Izuzetno od odredbe člana 51 stav 1. ovoga Zakona, osoba koja je suvlasnik pokretne stvari koja je predmet izvršenja ne može zahtijevati da se izvršenje u pogledu njenog udjela proglasi nedopuštenom, ali ima pravo na namirenje u visini procjenjene vrijednosti svog suvlasničkog dijela iz iznosa dobivenoga prodajom stvari prije namirenja tražioca izvršenja i drugih osoba koje se namiruju u izvršnom postupku te prije naknade troškova izvršnog postupka.
- (2) Osoba iz stava 1. ovoga člana ima pravo zahtijevati da joj se stvar koja je predmet izvršenja ustupi ako položi iznos koji odgovara vrijednosti izvršenikovog udjela u toj stvari.
- (3) Osobu iz stava 1. ovoga člana kojoj je osporen udio u stvari koja je predmet izvršenja sud je uputiti na parnicu protiv tražioca izvršenja, a i protiv izvršenika ako i on osporava njeno pravo, da dokaže svoje pravo, osim ako u izvršnom postupku ne može dokazati svoje pravo pravomo}nom presudom.
- (4) Ako osoba iz stava 1. ovoga člana može dokazati svoje pravo pravomo}nom presudom, sud je postupiti kao da njeno pravo nije osporeno.
- (5) Okolnost da je sud u izvršnom postupku uzeo da pravo osobe iz stava 1. ovoga člana nije osporeno u smislu odredaba st. 3. i 4. ovoga člana ne utječe na pravo tražioca izvršenja ili izvršenika da svoja prava protiv te osobe ostvaruju u posebnoj parnici.

## ***VI - PROTIVIZVRJENJE***

### ***Razlozi za protivizvršenje***

#### **Član 54.**

- (1) Nakon što je izvršenje već sprovedeno, izvršenik može u istom izvršnom postupku zatražiti od suda da naloži tražiocu izvršenja da mu vrati ono što je izvršenjem dobio:
  - 1) ako je izvršna isprava pravomo}no ukinuta, preinačena, poništena, stavljena van snage ili je na drugi način utvrđeno da je bez dejstva,
  - 2) ako je rješenje o izvršenju pravomo}no ukinuto ili preinačeno,
  - 3) ako je tokom izvršnog postupka namirio tražiocu izvršenja potraživanje mimo suda tako da je tražilac izvršenja dvostruko namiren.
- (2) Ako je tražilac izvršenja izvršenjem naplatio određeni novčani iznos, izvršenik u prijedlogu za protivizvršenje može tražiti plaćanje zakonskih zatezних kamata od dana naplate tog iznosa.
- (3) Prijedlog za protivizvršenje iz stava 1 ovog člana može se podnijeti u roku od 30 dana od dana kad je izvršenik saznao za razlog za protivizvršenje, a najkasnije u roku od jedne godine od dana okončanja izvršnog postupka.
- (4) Izvršenik ne može prije isteka tog roka svoje potraživanje ostvarivati u parničnom postupku.

### ***Postupak po prijedlogu za protivizvršenje***

#### **Član 55.**

- (1) Prijedlog iz člana 54 . ovog zakona sud će dostaviti tražiocu izvršenja i pozvati ga da se u roku od tri dana izjasni o tom prijedlogu.
- (2) Ako se tražilac izvršenja usprotivi prijedlogu, sud će o njemu odlučiti nakon održanog ročišta. Ako se tražilac izvršenja u roku ne izjasni o prijedlogu, sud će ocijeniti hoće li o njemu odlučiti bez održavanja ročišta.
- (3) Rješenjem kojim prihvati prijedlog sud će naložiti tražiocu izvršenja da u roku od osam dana vrati izvršeniku ono što je izvršenjem dobio.

### ***Rješenje o protivizvršenju***

#### **Član 56.**

- (1) Na osnovu pravomo}nog i izvršnog rješenja kojim je tražiocu izvršenja naloženo da izvršeniku vrati ono što je izvršenjem dobio, sud će, na prijedlog izvršenika, rješenjem odrediti protivizvršenje.
- (2) Protivizvršenje se provodi po odredbama ovog zakona o izvršenju.

### *Nemogu}nost protivizvršenja*

#### **Član 57.**

Prijedlog za protivizvršenje ne}e se prihvatiti ako su u pogledu onoga što je tražilac izvršenja dobio izvršenjem nastupile takve stvarne i pravne promjene da vra}anje više nije mogu}e.

### *Protivizvršenje po prijedlogu tre}e osobe*

#### **Član 58.**

- (1) Osoba na čiji teret je namirena tražbina tražitelja izvršenja, a ista nije bila označena kao dužnik u rješenju o izvršenju, može u rokovima iz ovog odjeljka, zahtjevati od suda da naloži tražitelju izvršenja da mu vrati ono što je dobio izvršenjem.
- (2) Na osnovu prijedloga iz stava 1. provodi se postupak protivizvršenja po odredbama ovog odjeljka.
- (3) U ovom postupku predlagač se smatra tražiteljem izvršenja, a protupredlagač izvršenikom.

### **Protivizvršenje po prijedlogu učesnika u postupku**

#### **Član 59.**

- (1) Učesnik u izvršnom postupku može u rokovima iz ovog odjeljka, nakon što pravomo}no bude izmjenjeno rješenje o namirenju zahtjevati da sud naloži isplatu novčanog iznosa koji njemu pripada, osobama kojima je bila isplata izvršena.
- (2) Na osnovu prijedloga iz stava 1. provodi se postupak protivizvršenja po odredbama ovog odjeljka.
- (3) U ovom postupku predlagač se smatra tražiteljem izvršenja, a protivpredlagač izvršenikom.

## **VII - ODLAGANJE, OBUSTAVA I OKONČANJE IZVRŠENJA**

### ***Odlaganje izvršenja na prijedlog tražioca izvršenja***

#### **Član 60.**

- (1) Ako zakonom nije drugačije određeno izvršenje se može odložiti potpuno ili djelimično samo na prijedlog tražioca izvršenja ako sprovođenje rješenja nije otpočelo.
- (2) Ako je sprovođenje izvršenja otpočelo, a izvršenik se, u roku koji mu je sud odredio, izjasnio protiv odlaganja, sud će odlučiti o opravdanosti prijedloga za odlaganje.
- (3) Ako je zakonom predviđeno da se izvršenje mora tražiti u određenom roku, tražilac izvršenja može podnijeti prijedlog za odlaganje u tom roku.

### ***Vrijeme za koje se izvršenje odlaže***

#### **Član 61.**

- (1) Sud }e odložiti izvršenje za vrijeme koje je tražilac izvršenja odredio ili na vrijeme koje po okolnostima slučaja smatra opravdanim.
- (2) Ako je tražilac izvršenja podnio prijedlog za odlaganje izvršenja u slučaju u kome je zakonom predviđeno da se izvršenje ima tražiti u određenom roku, izvršenje se ne može odložiti za vrijeme duže od tog roka.

### ***Nastavljanje odloženog postupka***

#### **Član 62.**

- (1) Odloženo izvršenje se nastavlja na prijedlog tražioca izvršenja i prije isteka roka za koji je odloženo. Ako tražilac izvršenja ne predloži nastavak izvršnog postupka ni po isteku 30 dana od isteka vremena na koje je izvršenje odloženo, sud }e obustaviti postupak.

### ***Obustava izvršenja***

#### **Član 63.**

- (1) Ako ovim zakonom nije drukčije određeno, izvršenje će se obustaviti po službenoj dužnosti, ako je izvršna isprava pravomo}no ukinuta, preinačena, poništena, stavljena van snage ili je na drugi način određeno da je bez dejstva, odnosno ako potvrda o izvršnosti bude pravomo}no ukinuta.

- (2) Izvršenje će se obustaviti ako je postalo nemoguće ili se iz drugih razloga ne može provesti.
- (3) Prije donošenja rješenja o obustavi izvršenja iz prethodnog stava sud će pozvati tražioca izvršenja da podnese prijedlog iz člana 8 , stava 3 ovog zakona u roku od 15 dana od dana prijema poziva. Rješenje o obustavi izvršenja sud će donijeti ako prijedlog ne bude u roku podnesen ili ako je prijedlog neosnovan.
- (4) Izvršenje na pojedinim predmetima će se na prijedlog izvršenika obustaviti ako sud utvrdi da su nakon isteka roka za prigovor, sprovođenjem izvršenja zahvaćeni predmeti koji nisu određeni u rješenju o izvršenju, a izuzeti su od izvršenja ili je na njima mogućnost izvršenja ograničena.
- (5) Rok za prijedlog zbog razloga iz stava 4. ovog člana iznosi osam dana i počinje teći od dana kada je izvršenik saznao da je izvršenjem zahvaćen predmet koji je izuzet od izvršenja, odnosno na kojem je mogućnost izvršenja ograničena. Nakon isteka roka od trideset dana od preduzimanja radnje kojom su zahvaćeni predmeti iz stava 4. ovog člana prijedlog iz te odredbe više se ne može podnijeti.
- (6) Rješenjem o obustavi izvršenja ukinuće se sve sprovedene izvršne radnje ako se time ne dira u stečena prava trećih osoba.

### ***Dovršenje izvršenja***

#### **Član 64.**

Postupak izvršenja smatra se završenim pravomoćnu odluku o odbacivanju ili odbijanju izvršnog prijedloga, sprovođenjem izvršne radnje kojom se izvršenje dovršava ili obustavom izvršenja.

## **Poddio drugi**

### **B. IZVRŠENJE RADI NAPLATE NOVČANOG POTRAŽIVANJA**

#### ***VIII – OPJE ODREDBE***

##### ***Obim izvršenja novčanih potraživanja***

###### **Član 65.**

Izvršenje radi ostvarenja novčanog potraživanja određuje se i provodi u obimu koji je potreban za namirenje tog potraživanja.

##### ***Redosljed namirenja više tražilaca izvršenja***

###### **Član 66.**

Više tražilaca izvršenja koji ostvaruju svoja potraživanja prema istom izvršeniku na istom predmetu izvršenja, namiruju se onim redom kojim su stekli pravo da se iz tog predmeta namire, ako zakonom nije drukčije određeno.

## ***IX – IZVRŠENJE NA NEPOKRETNOSTI***

### **1. Opće odredbe**

#### ***Izvršne radnje***

##### **Član 67.**

Za odlučivanje o prijedlogu za izvršenje na nekretnini i provođenje rješenja o izvršenju nadležan je sud na čijem se području nekretnina nalazi.

##### **Član 68.**

Izvršenje na nepokretnosti provodi se zabilježbom izvršenja u zemljišnoj knjizi, utvrđivanjem vrijednosti nepokretnosti, prodajom nepokretnosti i namirenjem tražioca izvršenja iz iznosa dobijenog prodajom.

#### ***Nepokretnost kao predmet izvršenja***

##### **Član 69.**

- (1) Ukoliko nije drukčije određeno, predmet izvršenja može biti samo nepokretnost kao cjelina određena propisima koji uređuju vlasništvo i druga stvarna prava upisana u zemljišne knjige.
- (2) Ako je u vezi neke nepokretnosti uspostavljeno suvlasništvo (idealni suvlasnički dio nepokretnosti), taj dio nepokretnosti može biti samostalan predmet izvršenja u pogledu kojeg se na odgovarajući način primjenjuju pravila ovog zakona o izvršenju na nepokretnostima.
- (3) Ako je u vezi neke nepokretnosti ili njenog idealnog dijela osnovano pravo plodouživanja, ono može biti samostalni predmet izvršenja s tim da izvršenik može namiriti svoje potraživanje iz plodova koje to pravo daje na osnovu nekog pravnog odnosa (najamnina, zakupnina), u pogledu čega se na odgovarajući način primjenjuju pravila ovog zakona o izvršenju na pravima.

#### ***Dokaz o vlasništvu izvršenika***

##### **Član 70.**

- (1) Uz prijedlog za izvršenje na nepokretnosti tražilac izvršenja je dužan podnijeti izvod iz zemljišne knjige kao dokaz o tome da je nepokretnost upisana kao vlasništvo izvršenika.
- (2) Ako je pravo na nepokretnosti iz stava 1. ovog člana upisano u zemljišnoj knjizi na drugu osobu, a ne na izvršenika, prijedlogu se može udovoljiti samo ako



tražilac izvršenja podnese ispravu koja je odgovarajuća za upis izvršenikova prava.

### ***Promjena predmeta izvršenja***

#### **Član 71.**

- (1) Izvršenik može u roku od tri dana od dana dostavljanja rješenja o izvršenju predložiti da se izvršenje odredi na drugom predmetu izvršenja. Uz prijedlog izvršenik je dužan podnijeti dokaz o svom pravu na drugom predmetu izvršenja na osnovu kojeg je na tom predmetu moguće odrediti izvršenje protiv izvršenika.
- (2) Sud će prijedlog dostaviti tražiocu izvršenja koji se o njemu može izjasniti u roku od tri dana od dana dostave. U tom roku tražilac izvršenja može postaviti zahtjev za naknadu troškova započetog postupka izvršenja na nepokretnosti te zatražiti davanje obezbjeđenja za naknadu štete koju bi mogao trpjeti zbog promjene predmeta izvršenja.
- (3) Sud odlučuje o prijedlogu rješenjem.
- (4) Sud može prihvatiti prijedlog ako izvršenik učini vjerovratnim:
  - 1) da bi izvršenje na nepokretnosti na kojoj je ono predloženo za njega bilo naročito nepovoljno,
  - 2) da iz opravdanih razloga nije sam mogao unovčiti predmet koji predlaže kao novi predmet izvršenja i dobijenim sredstvima namiriti tražioca izvršenja,
  - 3) da bi se potraživanje tražioca izvršenja moglo u potpunosti namiriti iz drugog predloženog predmeta izvršenja.
- (5) Sud će rješenjem odbiti prijedlog za promjenu predmeta izvršenja ako ocijeni da bi se zbog toga izvršenje znatnije odužilo ili otežalo odnosno ako bi tražilac izvršenja zbog toga mogao trpiti znatniju štetu.
- (6) Ako je tražilac izvršenja na nepokretnosti na kojoj je zatražio izvršenje prije pokretanja izvršnog postupka stekao založno pravo radi obezbjeđenja svog potraživanja, bez njegova se pristanka izvršenje ne može odrediti na drugom predmetu izvršenja.
- (7) Ako je izvršenik kao drugo sredstvo izvršenja predložio izvršenje na plati, penziji, invalidnini ili drugom stalnom novčanom primanju, sud može prihvatiti prijedlog uz uvjet da izvršenik učini vjerovratnim da će potraživanje biti namireno u roku od jedne godine od donošenja rješenja o njegovom prijedlogu. I u slučaju iz ovog stava moraju biti ispunjeni uvjeti iz stava 4, tačke 1. i stava 6. ovog člana.
- (8) U rješenju o promjeni predmeta izvršenja sud će odrediti izvršenje na drugom predloženom predmetu izvršenja.
- (9) Protiv rješenja kojim se odbija prijedlog izvršenika za promjenu predmeta izvršenja prigovor nije dozvoljen.

- (10) Ako je određeno drugo sredstvo odnosno predmet izvršenja, zabilježba izvršenja na nepokretnosti ostaje na snazi sve do namirenja potraživanja tražioca izvršenja.

### ***Zabilježba izvršenja***

#### **Član 72.**

- (1) Čim donese rješenje o izvršenju, sud će po službenoj dužnosti odrediti da se u zemljišnoj knjizi upiše zabilježba izvršenja.
- (2) Tom zabilježbom tražilac izvršenja stiče pravo da svoje potraživanje namiri iz nepokretnosti (pravo na namirenje) i u slučaju da treća osoba kasnije stekne vlasništvo te nepokretnosti.
- (3) Nakon zabilježbe izvršenja nije dopušten upis promjene prava vlasništva zasnovan na raspolaganju izvršenika bez obzira na to kad je to raspolaganje preduzeto.
- (4) Promjena vlasnika nekretnine tokom izvršnog postupka ne sprečava da se taj postupak nastavi protiv novog vlasnika kao izvršenika do visine vrijednosti nepokretnosti. Sve radnje preduzete prije toga ostaju na snazi i novi vlasnik ne može u postupku preduzimati one radnje koje ne bi mogao preduzeti prijašnji vlasnik da do promjene vlasništva nije došlo.
- (5) Na prijedlog tražioca izvršenja sud će donijeti zaključak o nastavljanju izvršnog postupka protiv novog vlasnika kao izvršenika u tom postupku.
- (6) Tražilac izvršenja koji je predložio izvršenje, a nije prije stekao založno pravo, stiče zabilježbom izvršenja pravo da se iz nekretnine namiri prije osobe koja na toj nepokretnosti kasnije stekne založno pravo ili pravo na namirenje.

### ***Pristupanje izvršenju***

#### **Član 73.**

- (1) Nakon upisa zabilježbe izvršenja u zemljišne knjige ne može se za namirenje drugog potraživanja istog ili drugog tražioca izvršenja na toj nekretnini provesti poseban izvršni postupak.
- (2) Tražilac izvršenja za čije je potraživanje kasnije određeno izvršenje na istoj nepokretnosti stupa u već pokrenuti izvršni postupak.
- (3) Pokrenutom izvršnom postupku može se pristupiti do donošenja zaključka iz stava 4. člana 90 . ovog zakona.
- (4) O pristupanju postupku sud će obavijestiti tražioca izvršenja u čiju je korist prije obavljena zabilježba.

- (5) Razlozi zbog kojih izvršenje nije dopušteno u korist pojedinih od više tražilaca izvršenja u čiju se korist izvršenje provodi na istoj nekretnini, odnosno razlozi za obustavu izvršenja u odnosu na pojedine od tražilaca izvršenja, bez uticaja su na sprovođenje postupka u korist drugih tražilaca izvršenja.
- (6) Ako se razlog za odlaganje izvršenja tiče samo nekih od više tražilaca izvršenja, izvršenje se neće odgoditi, već će sud prilikom donošenja rješenja o namirenju odrediti odlaganje namirenja tog tražioca izvršenja sve dok se postupak u odnosu na njega ne nastavi. Sredstva namijenjena namirenju tog tražioca izvršenja sud će pohraniti do nastavka postupka. Ako postupak ne bude nastavljen, ta će se sredstva upotrijebiti za namirenje drugih tražilaca izvršenja odnosno predaće se izvršeniku.

### ***Založna prava***

#### **Član 74.**

- (1) U postupku izvršenja na nepokretnosti namiruju se i založni povjerioci koji nisu predložili izvršenje.
- (2) Založna prava uknjižena na nekretnini prestaju provedbom rješenja o dosudi i ako založni povjerioci nisu potpuno namireni.
- (3) Kupac nekretnine i založni povjerilac mogu se sporazumjeti, najkasnije na ročištu za prodaju, da založno pravo ostane na nepokretnosti i nakon provedbe rješenja o dosudi, a da kupac preuzme izvršenikov dug prema tom povjeriocu u iznosu koji bi mu pripadao u izvršnom postupku. U tom se slučaju kupovna cijena umanjuje za iznos preuzetog duga.
- (4) Kupac i založni povjerilac sklapaju sporazum iz stava 3. ovog člana u obliku sudskog poravnanja u izvršnom postupku.

### ***Služnosti i stvarni tereti***

#### **Član 75.**

- (1) Stvarne služnosti i stvarni tereti na nekretnini ne prestaju prodajom nekretnine.
- (2) Prodajom nekretnine ne prestaju ni lične služnosti koje su u zemljišnoj knjizi upisane prije prava radi čijeg se namirenja izvršenje sprovodi.
- (3) Ostale lične služnosti prestaju provedbom rješenja o dosudi.
- (4) Na lične služnosti iz stava 3 ovog člana na odgovarajući način se primjenjuju odredbe člana 74 st. 3. i 4. ovog zakona.

### ***Ugovori o zakupu i najmu***

## **Član 76.**

- (1) Ugovori o najmu ili zakupu nekretnine prestaju istekom šest mjeseci od dana prodaje nekretnine.
- (2) Ugovorne strane is stava 1. ovog člana ne mogu tražiti naknadu nastale štete u izvršnom postupku.
- (3) Stanarska prava stečena prije sticanja založnog prava ili prava na namirenje radi čijeg se ostavarenja izvršenje traži, ne prestaju prodajom nekretnine. Kupac stupa na mjesto davaoca stana od trenutka sticanja vlasništva nekretnine.

### ***Razgledanje nepokretnosti***

## **Član 77.**

- (1) Sud je zaključkom odrediti vrijeme kada osoba zainteresovana za kupovinu nepokretnosti može razgledati nekretninu.
- (2) Ako izvršenik ili druga osoba sprečava ili ometa razgledanje nepokretnosti, sud će odrediti da se izvršenik i ta osoba udalje s nekretnine za vrijeme razgledanja. Zaključak o udaljavanju sprovodi izvršitelj, po potrebi, uz pomoć policije.

### ***Obezbjeđenje nepokretnosti***

## **Član 78.**

- (1) Sud može zaključkom, radi sprečavanja oštećenja nepokretnosti, omogućavanja njezine procjene, razgledavanja, zaštite i sl. na prijedlog tražioca izvršenja:
  1. odrediti da se izvršenik i druge osobe privremeno ili trajno udalje s nepokretnosti,
  2. povjeriti nepokretnost na čuvanje tražiocu izvršenja ili trećoj osobi,
  3. odrediti druge mjere potrebne radi njezine zaštite odnosno omogućavanja nesmetanog sprovođenja izvršenja.
- (2) Sredstva potrebna radi sprovođenja mjera iz stava 1. ovog člana dužan je unaprijed obezbijediti tražilac izvršenja.

## **2. Izuzimanje od izvršenja**

## **Član 79.**

- (1) Ne može biti predmet izvršenja poljoprivredno zemljište zemljoradnika u površini do 5000 m<sup>2</sup>.

- (2) Odredba stava 1. ovog člana ne odnose se na izvršenje radi ostvarenja novčanih potraživanja obezbeđenih ugovornim založnim pravom na nepokretnostima (hipotekom).

### **3. Utvrđivanje vrijednosti nepokretnosti**

#### *Način utvrđivanja vrijednosti*

##### **Član 80.**

- (1) O načinu utvrđivanja vrijednosti nepokretnosti sud će odlučiti zaključkom odmah nakon što donese rješenje o izvršenju. Ako je to potrebno, sud će prije donošenja zaključka održati ročište sa strankama.
- (2) Utvrđivanju vrijednosti nepokretnosti pristupiće se nakon što rješenje o izvršenju postane izvršno, ali i prije toga ako tražilac izvršenja to predloži, unaprijed obezbijedi za to potrebna sredstva i izjavi da će snositi troškove utvrđivanja vrijednosti i u slučaju da izvršenje bude obustavljeno.
- (3) Vrijednost nepokretnosti utvrđuje se na osnovu procjene vještaka i drugih činjenica u visini njene tržišne cijene na dan procjene. Pri utvrđivanju vrijednosti nekretnine vodiće se računa i o tome koliko ona manje vrijedi zbog toga što na njoj ostaju određena prava i poslije prodaje.
- (4) Umjesto procjene na način predviđen u stavu 3. ovog člana, sud može utvrđivanje vrijednosti nepokretnosti zatražiti od nadležnog organa poreske uprave.
- (5) Vrijednost nepokretnosti sud utvrđuje zaključkom o prodaji.

#### *Prigovor nedostatka pokrića*

##### **Član 81.**

- (1) Svaka osoba koja ima pravo da bude namirena iz prodajne cijene nepokretnosti, a koja po redu prvenstva dolazi ispred tražioca izvršenja, može predložiti da se izvršenje obustavi ako utvrđena vrijednost nekretnine ne pokriva ni djelimično iznos potraživanja tražioca izvršenja.
- (2) Prijedlog za obustavu izvršenja može se podnijeti u roku od osam dana od dana dostavljanja zaključka o prodaji.
- (3) Sud će prema okolnostima slučaja rješenjem obustaviti postupak ukoliko ocjeni da je prodaja necjelishodna.
- (4) U slučaju obustave izvršenja iz stava 1. ovog člana troškove postupka snosi tražilac izvršenja koji je pokrenuo izvršenje.

### **4. Prodaja nepokretnosti**

#### *Zaključak o prodaji*

## **Član 82.**

- (1) Nakon sprovođenja postupka za utvrđivanje vrijednosti nepokretnosti sud donosi zaključak o prodaji nepokretnosti kojim se utvrđuje vrijednost nepokretnosti i određuju način i uvjeti prodaje te vrijeme i mjesto prodaje ako se prodaja vrši putem javnog nadmetanja.
- (2) Zaključak o prodaji objavljuje se na sudskoj oglasnoj tabli i po ocjeni suda na drugi odgovarajući način.
- (3) Stranka može o svom trošku objavi zaključak o prodaji u sredstvima javnog informisanja odnosno da o zaključku obavijesti osobe koje se bave posredovanjem u prodaji nekretnina.
- (4) Od objavljivanja zaključka o prodaji na sudskoj oglasnoj tabli do dana prodaje mora proteći najmanje 30 dana.
- (5) Zaključak o prodaji dostavlja se strankama, osobama koje imaju prvenstveno pravo namirenja ili pravo namirenja istog ranga kao i tražilac izvršenja, osobama koje imaju upisano ili zakonsko pravo preče kupovine i nadležnom organu poreske uprave.

### ***Pravo preče kupovine***

## **Član 83.**

- (1) Osoba koja ima zakonsko ili ugovorno pravo preče kupovine upisano u zemljišnoj knjizi ima prednost pred najpovoljnijim ponudiocem ako odmah po zaključenju nadmetanja izjavi da nepokretnost kupuje uz iste uvjete.
- (2) Ako je nepokretnost prodana neposrednom pogodbom, sud će pozvati nosioca uknjiženog prava preče kupovine, odnosno nosioca zakonskog prava preče kupovine, da se pod prijetnjom gubitka prava u određenom roku izjasni hoće li se tim pravom koristiti.

### ***Način prodaje***

## **Član 84.**

- (1) Prodaja nepokretnosti obavlja se putem usmenog javnog nadmetanja.
- (2) Ročište za prodaju nepokretnosti održava se u sudskoj zgradi, ako sud nije drukčije odredio.
- (3) Ročište za prodaju održava se pred sudijom pojedincem ili stručnim saradnikom kojeg on odredi.
- (4) Stranke i založni povjerioci čije je pravo namirenja istog ili prvenstvenog ranga u odnosu na tražioca izvršenja mogu se sporazumjeti, najkasnije do prodaje nepokretnosti na javnom nadmetanju, da se prodaja nepokretnosti izvrši u

određenom roku neposrednom pogodbom preko osobe ovlaštene za promet nekretnina, izvršitelja ili na drugi način.

- (5) Ugovor o prodaji neposrednom pogodbom zaključuje se u pismenoj formi. Ugovor u ime i za račun izvršenika zaključuje osoba kojoj je povjerena prodaja na osnovu zaključka suda. Potpisi osoba koje zaključuju ugovor moraju biti ovjereni kod nadležnog organa.
- (6) Ugovor iz stava 5. ovog člana proizvodi dejstvo od dana donošenja zaključka o dosudi.

### ***Uvjeti prodaje***

#### **Član 85.**

- (1) Uvjeti prodaje unose se u zaključak o prodaji i pored ostalih podataka, sadrže:
  - 1) bliži opis nepokretnosti s pripadcima,
  - 2) naznačenje prava trećih osoba koja ne prestaju prodajom,
  - 3) naznačenje da li je nepokretnost slobodna od osoba i stvari ili se koristi i po kom pravnom osnovu,
  - 4) vrijednost nepokretnosti,
  - 5) cijenu po kojoj se nepokretnost može prodati i ko je dužan platiti poreze i takse u vezi sa prodajom,
  - 6) rok u kojem je kupac dužan položiti cijenu,
  - 7) način prodaje,
  - 8) iznos obezbjeđenja, rok u kojem mora biti dato, kod kog i kako mora biti dato,
  - 9) posebne uvjete koje kupac mora ispunjavati da bi mogao steći nekretninu.
- (2) Rok u kojem je kupac dužan položiti cijenu ne može biti duži od 30 dana od dana prodaje, bez obzira na to da li se cijena isplaćuje odjednom ili u ratama.

### **Davanje obezbjeđenja**

#### **Član 86.**

- (1) U javnom nadmetanju, kao kupci mogu učestvovati samo osobe koje su prethodno dale obezbjeđenje.
- (2) Pored osoba koje po ovom zakonu nisu dužne dati obezbjeđenje u izvršnom postupku, obezbjeđenje nisu dužni dati tražilac izvršenja na čiji je prijedlog određeno izvršenje i nosioci prava upisanih u zemljišnoj knjizi koja prestaju



prodajom nepokretnosti, ako njihova potraživanja dostižu iznos obezbjeđenja i ako bi se, s obzirom na njihov prvenstveni red i utvrđenu vrijednost nepokretnosti, taj iznos mogao namiriti iz kupovne cijene.

- (3) Obezbjedenje iznosi jednu desetinu određene vrijednosti nepokretnosti, s tim što ne može iznositi više od 10 000 KM.
- (4) Ponudiocima čija ponuda nije prihvaćena, osim za tri najbolja ponuđača, vratiće se obezbjeđenje odmah nakon zaključenja javnog nadmetanja.

### ***Jedan ponudilac***

#### **Član 87.**

- (1) Ročište za javno nadmetanje održaće se i kad prisustvuje samo jedan ponudilac.
- (2) Sud može zaključkom, na prijedlog stranke ili drugih osoba koje se namiruju u izvršnom postupku, odrediti, prema okolnostima slučaja, da se ročište za prodaju odgodi ako sudjeluje samo jedan ponudilac.

### ***Ko ne može biti kupac***

#### **Član 88.**

Kupac ne može biti sudija ili druga osoba koja službeno sudjeluje u postupku prodaje, njihov supružnik i s njima povezane osobe (preci, potomci, braća i sestre i njihovi supružnici), izvršenik i njegov supružnik, a ni osoba koja po zakonu ne može steći nepokretnost koja je predmet izvršenja.

### ***Prodajna cijena***

#### **Član 89.**

- (1) Na ročištu za javno nadmetanje ne može se nepokretnost prodati ispod polovine utvrđene vrijednosti. Početne ponude za prvo ročište na iznose manje od jedne polovine utvrđene vrijednosti ne }e biti razmatrane.
- (2) Ako se nepokretnost ne proda na prvom, sud }e zakazati drugo ročište. Sud }e zakazati ročište i u slučaju da tri ponuđača sa najvišom ponudom na prvom ročištu nisu uplatila prodajnu cijenu u skladu sa odredbama člana 92 stav 3 ovog zakona.
- (3) Drugo ročište }e se zakazati u roku od trideset dana od isteka roka određenog za uplatu prodajne cijene iz stava 3 člana 92 ovog zakona. Nekretnina ne može biti prodana za manje od jedne tre}ine procijenjene vrijednosti na drugom ročištu. Početna ponuda na drugom ročištu ne može biti manja od jedne tre}ine od utvrđene vrijednosti.
- (4) Ako nekretnina ne bude prodana ni na drugom ročištu, sud }e u roku od najmanje 15 do najviše 30 dana zakazati tre}e ročište na kojem nekretnina može biti

prodana bez ograničenja najniže cijene u odnosu na utvrđenu vrijednost. To vrijedi i za slučaj iz stava 5 i 6. ovog člana.

~~(4)~~(5) Stranke i osobe koje se namiruju u postupku mogu se sporazumjeti, izjavom datom na zapisnik, da se nepokretnost može prodati nadmetanjem i za cijenu nižu od one iz st. 1. i 2. ovog člana.

- (6) Ako su se stranke prije pokretanja izvršnog postupka u sporazumu sklopljenom pred sudom saglasile da se nepokretnost radi naplate potraživanja tražioca izvršenja utvrđene tim sporazumom može prodati i za cijenu nižu od one iz st. 1. i 2. ovog člana, nepokretnost se već na prvom ročištu za prodaju može prodati po toj cijeni ako u postupku ne sudjeluju druge osobe koje se u njemu namiruju, a svoje su pravo upisali u zemljišnu knjigu prije nego što je u tu knjigu upisano pravo tražioca izvršenja kojim je obezbjeđena naplata njegovog potraživanja. Najniža cijena po kojoj se nekretnina može prodati u tom slučaju ne može biti ispod jedne trećine utvrđene vrijednosti.
- (7) Odredbe st. 1,2, 5 i 6 ovog člana na odgovarajući se način primjenjuju i u slučaju u kojem se nepokretnost prodaje neposrednom pogodbom.

### ***Ročište za nadmetanje i prodaja***

#### **Član 90.**

- (1) Pošto utvrdi da je udovoljeno uvjetima za održavanje ročišta za nadmetanje, sudija objavljuje da se pristupa nadmetanju.
- (2) Nadmetanje se zaključuje nakon protoka deset minuta neposredno nakon stavljanja najpovoljnije ponude.
- (3) Nakon zaključenja nadmetanja sudija utvrđuje listu ponuđača koji su ponudili cijenu iznad minimuma i da je nekretnina prodana najpovoljnijem ponuđaču ukoliko su ispunjeni ostali uvjeti.
- (4) O prodaji nepokretnosti najpovoljnijem ponuđaču sud donosi pismeni zaključak, koji se objavljuje na sudskoj tabli.
- (5) Smatraće se da je zaključak iz stava 4. ovog člana dostavljen svim osobama kojima se dostavlja zaključak o prodaji te svim učesnicima u nadmetanju istekom trećeg dana od dana njegovog isticanja na oglasnoj tabli.
- (6) O ročištu za prodaju vodi se zapisnik.

### ***Prodaja neposrednom pogodbom***

#### **Član 91.**

- (1) U slučaju prodaje neposrednom pogodbom sud će donijeti zaključak iz stava 4. člana 90 pošto utvrdi da je udovoljeno uvjetima za punovažnost prodaje.

- (2) Zaključak iz stava 1. objavljuje se na sudskoj tabli i dostavlja svim osobama kojima se dostavlja zaključak o prodaji, kao i kupcu.

### *Polaganje cijene*

#### **Član 92.**

1. Ponuđač sa najvišom ponudom na ročištu plaća ukupnu prodajnu cijenu umanjenju za položeno obezbjeđenje polaganjem iste sudu u roku od 30 dana od dana objavljivanja zaključka iz stava 4. člana 90 . na sudskoj tabli.
2. Ukoliko ponuđač sa najvećom ponudom ne deponuje prodajnu cijenu u predviđenom roku, sud je zaključkom proglašiti prodaju tom ponuđaču nevaljanom i novim zaključkom odrediti da je nekretnina prodana drugom po redu ponuđaču, koji ima rok od 30 dana od dana prijema tog zaključka da sudu deponuje prodajnu cijenu. Ukoliko drugi ponuđač ne položi cijenu u predviđenom roku, sud primjenjuje ova pravila i na trećeg ponuđača.
3. U slučaju da sva tri ponuđača sa najvišom ponudom ne ispune svoje obaveze plaćanja prodajne cijene u određenim rokovima, sud može oglasiti da prvo ročište nije uspjelo i zakazati novo ročište koje treba da se održi u skladu sa članovima 84-90 .
4. Iz položenog obezbjeđenja prvog ponuđača kojem je prodana imovina i koji u predviđenom roku ne uplati prodajnu cijenu pokrivaju se troškovi neuspjelog ročišta. Ako se ovi troškovi ne mogu namiriti u cjelosti iz iznosa obezbjeđenja koje je položio prvi ponuđač, razlika se namiruje iz obezbjeđenja drugog ponuđača ako i ovaj odustane od kupovine nekretnine. Ova pravila se shodno primjenjuju i u slučaju odsutanka trećeg ponuđača.
5. Troškovi održavanja narednog ročišta pokrivaju se srazmjerno iz obezbjeđenja ponuđača kojima je nekretnina prodana a koji prodajnu cijenu nisu uplatili u određenom roku.
6. Preostali iznos je se vratiti davaocu obezbjeđenja.
7. Kada je položena ukupna cijena imovine na sudu, položeno obezbjeđenje preostalih ponuđača se vraćaju u roku od tri dana nakon uplate cijene na sudu.

### *Predaja nepokretnosti kupcu*

#### **Član 93.**

- (1) Nakon polaganja cijene sud rješenjem dosuđuje nekretninu kupcu (rješenje o dosuđenju).

- (2) Rješenjem iz stava 1. ovog člana sud određuje da se nekretnina preda kupcu, a zemljišno knjižnom sudu da se izvrši upis promjene prava vlasništva te brišu prava trećih za koje je to rješenjem određeno.
- (3) Protiv rješenja o dosuđenju može se podnijeti žalba.

### ***Zaštita prava kupca***

#### **Član 94.**

Ukidanje ili preinačenje rješenja o izvršenju poslije provođenja zaključka o dosudi nepokretnosti nema uticaja na pravo svojine kupca stečeno po odredbama člana 92 ovog zakona.

### **Obustava izvršenja**

#### **Član 95.**

- (1) Sud će obustaviti izvršenje ako se nekretnina nije mogla prodati ni na trećem ročištu.
- (2) U slučaju prodaje neposrednom pogodbom, sud će obustaviti izvršenje ako se nepokretnost nije mogla prodati u roku određenom sporazumom stranaka i osoba koje se namiruju u postupku, osim ako sporazumom stranaka nije drugačije određeno.
- (3) Obustava izvršenja ne sprečava pokretanje novog izvršnog postupka radi naplate istog potraživanja na istoj nepokretnosti.

## **5. Namirenje tražilaca izvršenja**

### ***Kad se pristupa namirenju***

#### **Član 96.**

Sud pristupa namirenju tražilaca izvršenja nakon donošenja rješenja o dosudi i nakon što rješenje o izvršenju postane izvršno.

### ***Osobe koje se namiruju***

#### **Član 97.**

Iz prodajne cijene namiruju se tražioci izvršenja na čiji je prijedlog određeno izvršenje, založni povjerioci i kad nisu prijavili svoja potraživanja, osobe koje imaju pravo na naknadu za lične služnosti i stvarne terete, dospjele obaveze izvršenika po osnovi poreza, taksi i drugih javnih dadžbina te osobe koje imaju potraživanja navedena u članu 98, stavu 1, tački 3 ovog zakona.

## *Prvenstveno namirenje*

### **Član 98.**

- (1) Iz iznosa dobivenog prodajom namiruju se prvenstveno, i to ovim redoslijedom:
  1. troškovi izvršnog postupka;
  2. porezi i druge takse dospjele za posljednju godinu koje terete prodatu nepokretnost;
  3. potraživanja na osnovi zakonskog izdržavanja, potraživanja na osnovi naknade štete nastale zbog narušenja zdravlja ili smanjenja odnosno gubitka radne sposobnosti, potraživanja naknade štete za izgubljeno izdržavanje zbog smrti davaoca izdržavanja, potraživanja zaposlenika te potraživanja doprinosa za zdravstveno i penzijsko osiguranje, dospjela za posljednju godinu dana.
- (2) Potraživanja iz stava 1, tačkaka 2 i 3 ovog člana namiruju se ako su prijavljena najkasnije na ročištu za diobu i ako se dokazuju izvršnom ispravom.
- (3) Vrijeme određeno u stavu 1, tačkama 2 do 3 ovog člana, računa se do dana donošenja rješenja o dosudi nepokretnosti.

## *Namirenje ostalih potraživanja*

### **Član 99.**

- (1) Nakon namirenja potraživanja iz člana 98 . ovog zakona, namiruju se potraživanja osigurana založnim pravom, potraživanja tražioca izvršenja na čiji je prijedlog određeno izvršenje i naknada za lične služnosti i stvarne terete koji se prodajom gase.
- (2) Odredba stava 1 ovog člana na odgovarajući se način primjenjuje i na namirenje podzaložnih prava (nadhipoteka) i drugih prava koja su teret prava koja se namiruju.
- (3) Povjerioci iz stava 1 ovog člana namiruju se po redu sticanja založnog prava i prava na namirenje tražioca izvršenja koji su predložili izvršenje odnosno po redu upisa u zemljišnu knjigu ličnih služnosti, a ako je bio ustupljen prvenstveni red, tada se povjerioci iz stava 1 ovog člana namiruju po tom uspostavljenom prvenstvenom redu.
- (4) Troškovi i kamate za posljednje tri godine do donošenja rješenja o dosudi nekretnine kupcu, određeni izvršnom ispravom, namiruju se po istom redoslijedu kao i glavno potraživanje.
- (5) Poslije namirenja potraživanja iz stava 1 ovog člana namiruju se potraživanja navedena u članu 98 , stavu 1, tačkama 2 i 3 ovog zakona, za vrijeme za koje se ne namiruju po tim odredbama, i to najprije potraživanja iz tačke 2, a zatim potraživanja iz tačke 3, stava 1, člana 98 ovog zakona.

***Visina nadoknade za lične služnosti i druga prava koja  
prestaju prodajom***

**Član 100.**

- (1) Ako se o visini nadoknade za lične služnosti ili druga prava koja prestaju prodajom ne postigne sporazum između nosioca tih prava i tražilaca izvršenja koji po redu za namirenje dolaze poslije njih, visinu naknade određuje sud, uzimajući u obzir naročito vrijeme za koje bi ta prava još trajala, njihovu vrijednost i godine života nosioca tih prava.
- (2) Kupac i nosilac prava lične služnosti mogu se sporazumjeti da kupac preuzme služnost, a da se iznos naknade, utvrđen prema stavu 1 ovog člana, odbije od kupovne cijene.

***Srazmjerno namirenje***

**Član 101.**

Više potraživanja koja imaju isti red namirenja namiruju se srazmjerno svojoj visini ako iznos dobiven prodajom nije dovoljan za potpuno namirenje.

***Osporavanje potraživanja***

**Član 102.**

Osoba koja se namiruje iz prodajne cijene može, ako to utiče na njegovo namirenje, najkasnije na ročištu za diobu, drugoj takvoj osobi osporiti postojanje potraživanja, njegovu visinu i red namirenja.

***Upućivanje na parnicu***

**Član 103.**

- (1) Sud će osobu koja je osporila potraživanje uputiti da u određenom roku, koji ne može biti duži od 15 dana, pokrene parnicu ako odluka zavisi od spornih činjenica, osim ako svoje osporavanje ne dokazuje pravomoćnom presudom. Ako osoba koja osporava potraživanje to osporavanje potkrijepljuje pravomoćnom presudom, sud će o osporavanju odlučiti u izvršnom postupku. Sud će o osporavanju odlučiti u izvršnom postupku i ako nisu sporne činjenice od kojih zavisi donošenje odluke.
- (2) Ako osoba koja je osporila potraživanje učini vjerovatnim postojanje razloga za osporavanje, sud će zaključkom na parnicu uputiti osobu čije je potraživanje osporeno a donošenje rješenja o namirenju osobe čije je potraživanje osporeno odgoditi do završetka parnice. Izuzetno, sud može donošenje rješenja o namirenju i namirenje te osobe uvjetovati davanjem obezbjeđenja.

- (3) Iznos koji se odnosi na osporeno potraživanje položiće se u sudski depozit.
- (4) Ako osoba koja je upućena na parnicu u roku koji mu je za to određen ne dokaže da je parnicu pokrenulo, smatraće se da potraživanje nije osporeno odnosno da je odustala od zahtjeva da njeno potraživanje bude namireno u izvršnom postupku.
- (5) Presuda donesena u parnici o osporenom potraživanju djeluje protiv izvršenika i svih tražilaca izvršenja.
- (6) Odredbom stava 4. ovog člana ne dira se u pravo osobe koja je upućena na parnicu da, i nakon završetka izvršnog postupka, pokrene parnicu protiv osobe čije je potraživanje osporilo odnosno protiv osobe koja joj je potraživanje osporilo.
- (7) Na prijedlog osobe čije je potraživanje osporeno sud može odgodu donošenja rješenja o namirenju i namirenje potraživanja te osobe uvjetovati davanjem primjerenog obezbjeđenja za štetu koju bi ta osoba mogla pretrpjeti zbog odgode namirenja. Ako osoba koja je osporila potraživanje ne da primjerenom obezbjeđenje u roku koji joj je određen, smatraće se da potraživanje nije osporeno.
- (8) Osoba čije je potraživanje bilo osporeno ima pravo na naknadu štete koju je pretrpjelo zbog neosnovanog osporavanja potraživanja, ako je ono bilo učinjeno jedino radi toga da joj se šteti ili joj smeta u izvršavanju i ostvarenju njenih prava.

## **6. Posebne odredbe o načinu namirenja nekih potraživanja**

### *Nedospjelo potraživanje*

#### **Član 104.**

- (1) Potraživanje založnog povjerioca koje nije dospjelo do dana donošenja rješenja o namirenju za koje nisu ugovorene kamate, isplatiće se nakon odbitka iznosa koji odgovara zakonskim zateznim kamatama, od dana donošenja rješenja o namirenju do dana dospijeca tog potraživanja.
- (2) Nedospjelo potraživanje za koje su ugovorene kamate isplatiće se zajedno s iznosom ugovorenih kamata obračunatih do dana donošenja rješenja o namirenju.

### *Nedospjelo potraživanje povremenih primanja*

#### **Član 105.**

- (1) Potraživanja povremenih primanja po osnovi zakonskog izdržavanja, po osnovi naknade štete nastale zbog narušenja zdravlja ili smanjenja odnosno gubitka radne sposobnosti i po osnovi naknade štete za izgubljeno izdržavanje zbog smrti davaoca izdržavanja, koja su obezbjeđena zalogom, a dospijevaju nakon dana donošenja rješenja o namirenju, namiruju se na izričit zahtjev tražioca izvršenja.

(2) Potraživanja iz stava 1 ovog člana obračunavaju se na način na koji se obračunava naknada za ličnu služnost.



### ***Potraživanja uz uvjet***

#### **Član 106.**

- (1) Iznos uvjetnog potraživanja koje je obezbjeđeno založnim pravom izdvoji}e se i položiti u sudski depozit i isplatiti kad se odložni uvjet ispuni ili kad bude sigurno da se raskidni uvjet neće ispuniti.
- (2) Ako se odložni uvjet ne ispuni ili se ispuni raskidni uvjet, izdvojeni iznos cijene služi za namirenje tražilaca izvršenja čija potraživanja nisu potpuno ili nisu uopšte namirena, a ako takvih tražilaca izvršenja nema ili cijeli iznos nije iscrpljen njihovim namirenjem, taj će se iznos, odnosno ostatak, predati izvršeniku.

### ***Predbilježba založnog prava i zabilježba spora***

#### **Član 107.**

- (1) Ako je u zemljišnu knjigu upisana predbilježba založnog prava, a osoba u čiju je korist predbilježba upisana dokaže da je u toku postupak za njegovo opravdanje, odnosno da još nije protekao rok za pokretanje tog postupka, potraživanje na koje se predbilježba odnosi namiruje se na način na koji se namiruje potraživanje uz odložni uvjet.
- (2) Potraživanje za koje je u zemljišnoj knjizi upisana zabilježba spora radi brisanja založnog prava ili zabilježba o drugom sporu namiruje se na način na koji se namiruje potraživanje uz raskidni uvjet.

### **7. Ročište za diobu, rješenje o namirenju i brisanje prava i tereta**

#### ***Ročište za diobu***

#### **Član 108.**

- (1) Nakon ispunjenja uvjeta iz člana 96 , sud određuje ročište za diobu cijene (iznosa dobijenog prodajom) ako ima više od jednog tražioca izvršenja ili tre}ih osoba koja imaju prava na namirenje.
- (2) Na ročište se pozivaju, pored stranaka, i osobe koja prema stanju spisa i prema podacima iz zemljišne knjige polažu pravo da se namire iz tog iznosa.
- (3) U pozivu te će se osobe upozoriti na to da će se njihova potraživanja ukoliko ne dođu na ročište uzeti prema stanju koje proizilazi iz zemljišne knjige i spisa te da, najkasnije na ročištu za diobu, mogu drugom osporiti potraživanje, njegovu visinu i red namirenja.
- (4) Na ročištu se raspravlja o namirenju tražioca izvršenja i drugih osoba koja postavljaju zahtjev za namirenje.

## ***Rješenje o namirenju***

### **Član 109.**

- (1) O namirenju tražioca izvršenja i drugih osoba kojima pripada pravo na namirenje sud odlučuje rješenjem nakon održanog ročišta, uzimajući u obzir podatke iz spisa i zemljišne knjige, kao i stanja utvrđenog na ročištu.
- (2) Pri donošenju rješenja iz stava 1 ovog člana uzeće se u obzir samo ona potraživanja po kojima je rješenje o izvršenju postalo izvršno najkasnije na dan ročišta za diobu.
- (3) Ako ima potraživanja u odnosu na koje rješenje o izvršenju nije postalo izvršno najkasnije na dan ročišta za diobu, ta će se potraživanja namiriti, nakon izvršnosti rješenja o izvršenju iz preostalog iznosa prodajne cijene, ako je ima, a ostatak će se vratiti izvršeniku.
- (4) Izvršenje rješenja o namirenju pristupit će se nakon što istekne rok za izjavu žalbe ovlaštenih osoba.
- (5) Ako žalba na rješenje o namirenju bude izjavljena u roku, dostavit će se strankama i ostalim učesnicima u postupku a rješenje izvršiti ako tražilac izvršenja u roku od 3 dana od prijema žalbe ne predloži odlaganje izvršenja do odluke drugostepenog suda po žalbi.

## ***8. Pravni položaj izvršenika i trećih osoba nakon prodaje nekretnine***

### ***Gubitak prava na posjed nekretnine***

#### **Član 110.**

Prodajom nekretnine izvršenik gubi pravo posjeda nekretnine i dužan ju je predati kupcu odmah nakon dostave rješenja o dosudi nekretnine, ako zakonom ili u sporazumu s kupcem nije drukčije određeno.

### ***Iseljenje izvršenika***

#### **Član 111.**

- (1) Nakon što donese rješenje o dosudi nekretnine, sud će, na zahtjev kupca naložiti zaključkom da se nekretnina isprazni i preda kupcu.
- (2) Izvršenje iz stava 1. ovoga člana provodi se po pravilima ovoga Zakona o izvršenju ispražnjenjem i predajom nekretnine.

- (3) U izvršnom postupku iz stava 2. ovoga člana kupac stiže položaj tražioca izvršenja podnošenjem prijedloga iz stava 2. ovoga člana.

### ***Iseljenje drugih osoba***

#### **Član 112.**

- (1) Nakon što donese rješenje o dosudi nekretnine, sud je, na prijedlog kupca, rješenjem narediti drugim osobama koje ne raspolažu valjanim pisanim pravnim osnovom za korištenje nekretnine da je bez odgode predaju kupcu i u istom rješenju odrediti protiv tih osoba izvršenje ispražnjenjem i predajom nekretnine.
- (2) Provođenju izvršenja iz stava 1. ovoga člana izvršni sud je pristupiti odmah po donošenju rješenja iz tog stava. Izvršenje se provodi po pravilima ovoga Zakona o izvršenju ispražnjenjem i predajom nekretnine.
- (3) U postupku iz st. 1. i 2. ovoga člana kupac ima položaj tražioca izvršenja.

### ***9. Primjena odredaba ove glave na području gdje ne postoje zemljišne knjige***

#### **Član 113.**

- (1) Na području gdje zemljišne knjige nisu uspostavljene ili su uništene odnosno nestale, izvršenje na nekretnini je se provesti po odredbama ovog člana.
- (2) Tražilac izvršenja je, umjesto dokaza o vlasništvu iz čl. 69. ovog Zakona, dužan u prijedlogu za izvršenje naznačiti mjesto na kojemu se nekretnina nalazi, njezin naziv, granice i površinu te podatke iz novog katastarskog premjera za tu nekretninu, ako je upisana u katastru zemljišta.
- ~~(3)~~ U tom je slučaju sud obaviti pljenidbeni popis nekretnine za koju je predloženo izvršenje, i na ročište za pljenidbeni popis pozvati tražioca izvršenja, izvršenika i osobe s čijim nekretninama graniči ta nekretnina.
- (4) Zapisnik o pljenidbenom popisu objavljuje se na sudskoj ploči.
- (5) O obavljenom pljenidbenom popisu sud je u službenom glasilu općine, odnosno kantona objaviti oglas u kojem je navesti sud koji objavljuje oglas, broj predmeta, podatke o strankama i o nekretnini na kojoj se izvršenje provodi te obavijesti o tome gdje je i kad održano ročište na kojemu je nekretnina popisana i kad je zapisnik o pljenidbenom popisu istaknut na sudskoj ploči. Tim je oglasom sud pozvati sve zainteresirane osobe da pismeno ili usmeno obavijeste sud o razlozima zbog kojih se izvršenje ne može provesti na toj nekretnini.
- (6) Odredbe ovoga člana primjenjivat je se i kad se nekretnina u katastru vodi na ime izvršenika ako zemljišnoknjižni vlasnik odnosno njegovi nasljednici izjavom ovjerenom od nadležnoga tijela potvrde da je izvršenik vlasnik nekretnine koja je predmet izvršenja.



## **X -IZVR[ENJE NA POKRETNIM STVARIMA**

### **1. Op}e odredbe**

#### ***Mjesna nadležnost ako je poznato mjesto gdje se pokretnine nalaze***

##### **Član 114.**

- (1) Za odlučivanje o prijedlogu za izvršenje na pokretninama i za provedbu tog izvršenja mjesno je nadležan sud na čijem se području, prema naznaci u prijedlogu za izvršenje, one nalaze.
- (2) Odredbe stava 1. ovoga člana primjenjuje se na odgovaraju}i način i kad se izvršenje pokre}e po službenoj dužnosti.

#### ***Mjesna nadležnost ako nije poznato gdje se pokretnine nalaze***

##### **Član 115.**

- (1) Tražilac izvršenja može predložiti da sud donese rješenje o izvršenju na pokretninama, ne naznačavaju}i mjesto gdje se one nalaze.
- (2) Za odlučivanje o prijedlogu iz stava 1. ovoga člana mjesno je nadležan sud na čijem se području nalazi prebivalište ili, podredno, boravište izvršenika fizičke osobe odnosno sjedište izvršenika pravne osobe.
- (3) Tražilac izvršenja može u slučaju iz stava 1. ovoga člana podnijeti rješenje o izvršenju svakom stvarno nadležnom sudu na čijem se području nalaze izvršenikove pokretnine, s prijedlogom da taj sud provede izvršenje.

#### ***Dostava rješenja o izvršenju na dalje provođenje***

##### **Član 116.**

Ukoliko je sud odredio izvršenje nad pokretninama na području tog ili drugog suda, po okončanju izvršenja nad pokretninama na svom području, rješenje o izvršenju }e dostaviti drugom sudu na dalje provođenje, do potpunog namirenja povjerioca.

#### ***Izuzimanje od izvršenja***

##### **Član 117.**

- (1) Ne mogu biti predmet izvršenja:

1. predmeti koji su neophodno potrebni izvršeniku i članovima njegove porodice za zadovoljavanje svakodnevnih potreba,
  2. hrana i ogrev za potrebe izvršenika i članova njegovog domaćinstva za tri mjeseca,
  3. gotov novac izvršenika po osnovi potraživanja koja su izuzeta ili ograničena od izvršenja te gotov novac izvršenika koji ima stalna mjesečna primanja do mjesečnog iznosa koji je po zakonu izuzet od izvršenja, proporcionalno vremenu do idućeg primanja,
  4. ordenje, medalje, ratne spomenice i drugo ordenje i priznanja, vjenčani prsten, lična pisma, rukopisi i drugi lični spisi izvršenika, porodične fotografije, lične i porodične isprave i porodični portreti.
- (2) Poštanska pošiljka ili poštanska novčana doznaka upućena izvršeniku ne može biti predmet izvršenja prije uručenja.

### *Izvršne radnje*

#### **Član 118.**

- (1) Izvršenje na pokretninama provodi se njihovom zapljenom, procjenom i prodajom te namirenjem tražioca izvršenja iz iznosa dobivenog prodajom.
- (2) Prijedlogom za izvršenje može se zahtijevati da se provede samo pljenidba i procjena, ali u tom slučaju tražilac izvršenja je dužan u roku od tri mjeseca od dana pljenidbenog popisa, odnosno procjene podnijeti prijedlog za prodaju stvari.
- (3) Ako tražilac izvršenja u roku iz stava 2. ovog člana ne podnese prijedlog za prodaju, izvršenje će se obustaviti

## **2. Pljenidba i procjena pokretnina**

### *Obavijest o pljenidbi*

#### **Član 119.**

- (1) U pravilu, sudski izvršitelj, prije nego što pristupi pljenidbi, predaće izvršeniku rješenje o izvršenju i pozvaće ga da plati iznos za koji je određeno izvršenje.
- (2) Ako izvršeniku rješenje o izvršenju nije moglo da se preda prilikom pljenidbe, dostaviće mu se naknadno, po općim pravilima o dostavi.
- (3) Sud može odlučiti zavisno od okolnosti svakog pojedinačnog slučaja da uruči rješenje o izvršenju prije pokušaja popisa i pljenidbe izvršenikovih stvari.
- (4) Izuzetno, popis i pljenidba izvršenikovih stvari može se izvršiti po uručenju rješenja o izvršenju, što sud cijeni u svakom pojedinom slučaju.

~~(4)~~(5) O vremenu i mjestu pljenidbe obavijestiće se tražilac izvršenja ako je to tražio. |

(6) Odsutnost tražioca izvršenja ne sprečava sprovođenje pljenidbe.

(7) O obavljenoj pljenidbi obavijestiće se stranka koja joj nije bila prisutna.

### ***Predmet pljenidbe***

#### **Član 120.**

(1) Pljenidba se obavlja sastavljanjem pljenidbenog popisa.

(2) Popisati se mogu stvari koje se nalaze u posjedu izvršenika te njegove stvari koje se nalaze u posjedu tražioca izvršenja.

(3) Smatra se da izvršeniku pripadaju stvari koje ima na sebi odnosno koje se nalaze na ili u njegovoj nepokretnosti, u stanu u kojemu stanuje odnosno u poslovnoj prostoriji koju je zakupio.

~~(4)~~(4) Smatra se da su bračni drugovi suvlasnici u jednakim dijelovima svih |  
pokretnih stvari koje se zateknu u njihovoj kući, stanu, poslovnoj prostoriji ili drugoj nepokretnosti. (provjeriti da li je ovakvo rješenje u Porodičnom zakonu)

(5) Izvršenikove stvari koje se nalaze u posjedu treće osobe mogu se popisati samo ako ona na to pristane.

(6) Ako treća osoba ne pristane na popis, sud će zaključkom na tražioca izvršenja, na njegov prijedlog, prenijeti izvršenikovo pravo na predaju stvari u skladu sa članom 178. ovog zakona.

### ***Obim pljenidbenog popisa***

#### **Član 121.**

(1) Popisaće se onoliko stvari koliko je potrebno za namirenje potraživanja tražioca izvršenja i troškova izvršenja.

(2) Prvenstveno se popisuju stvari u pogledu kojih nema primjedbi o postojanju prava koje bi sprečavalo izvršenje i stvari koje se najlakše mogu unovčiti, pri čemu će se o tome uzeti u obzir i izjave prisutnih stranaka i trećih osoba.

### ***Čuvanje popisanih stvari***

#### **Član 122.**

(1) Popisane stvari sudski izvršilac će ostaviti na čuvanje izvršeniku, ako sud, na prijedlog tražioca izvršenja, nije odredio da se one predaju na čuvanje tražiocu izvršenja ili trećoj osobi.

- (2) Rizik od uništenja ili oštećenja stvari datih na čuvanje tražiocu izvršenja ili trećoj osobi snosi tražilac izvršenja, osim ako je uništenje ili oštećenje posljedica više sile.
- (3) Gotov novac, vrijednosni papiri i dragocjenosti predaće se u sudski depozit.
- (4) U sudski depozit predaće se i druge stvari veće vrijednosti, ako su pogodne za takav način čuvanja.

### ***Zabrana raspolaganja popisanim stvarima***

#### **Član 123.**

Svim osobama koje posjeduju ili imaju kontrolu nad popisanim stvarima, zabranjuje se da raspoložu istim bez sudskog naloga.

### ***Sticanje založnog prava***

#### **Član 124.**

- (1) Tražilac izvršenja stiče pljenidbenim popisom založno pravo na popisanim pokretninama.
- (2) Ako je popis obavljen u korist više tražilaca izvršenja, prvenstveni red prava iz stava 1. stečenog popisom ili zabilješkom u zapisniku o pljenidbenom popisu određuje se prema danu kad je prijedlog za izvršenje primljen u sudu, a ako su prijedlozi za izvršenje primljeni istog dana, njihova založna prava imaju isti prvenstveni red.
- (3) Ako je prijedlog za izvršenje upućen poštom preporučenom pošiljkom, dan predaje pošti smatra se kao dan primitka u sudu.

### ***Bezuspješan pokušaj pljenidbe***

#### **Član 125.**

- (1) Ako se pri pljenidbi ne nađu pokretne stvari koje mogu biti predmet izvršenja, sud će o tome obavijestiti tražioca izvršenja koji nije bio prisutan pljenidbi.
- (2) Tražilac izvršenja može u roku od tri mjeseca od dana dostave obavijesti odnosno od dana pokušane pljenidbe kojoj je bio prisutan predložiti da se pljenidba ponovo provede.
- (3) Ako tražilac izvršenja u roku iz stava 2 ovog člana ne predloži ponovno provođenje pljenidbe, ili ako se ni pri ponovnoj pljenidbi ne nađu stvari koje mogu biti predmet izvršenja, sud će obustaviti izvršenje.



## *Procjena*

### **Član 126.**

- (1) Istodobno s pljenidbenim popisom obaviće se i procjena pokretnina.
- (2) Procjenu obavlja sudski izvršilac, ako sud nije odredio da je obavi sudski procjenitelj ili posebni vještak.
- (3) Stranka može predložiti da procjenu obavi vještak iako to sud nije odredio. Ako sud prihvati taj prijedlog, troškove vještačenja dužan je predujmiti predlagač u roku koji sud odredi. Ako predujam ne bude plaćen u roku, smatraće se da je predlagač odustao od svog prijedloga.
- (4) O prijedlogu iz stava 3. ovog člana sud odlučuje zaključkom.
- (5) Troškove vještačenja iz stava 3. ovog člana snosi predlagač, bez obzira na ishod izvršnog postupka.
- (6) Stranka može, u roku od tri dana od obavljene procjene, predložiti sudu utvrđivanje niže odnosno više vrijednosti zaplijenjenih pokretnih stvari od procijenjene ili određivanje nove procjene, izuzev ukoliko procjenu nije obavio vještak. O prijedlogu sud odlučuje zaključkom.

### *Zapisnik o pljenidbenom popisu i procjeni*

### **Član 127.**

- (1) O pljenidbenom popisu i procjeni sastavlja se zapisnik.
- (2) U zapisnik se, uz ostalo, pojedinačno naznačuju zaplijenjene stvari s njihovom procijenjenom vrijednosti i unose izjave stranaka i učesnika u postupku.

### *Zabilješka umjesto pljenidbenog popisa*

### **Član 128.**

Ako se nakon pljenidbenog popisa odredi izvršenje na zaplijenjenim stvarima radi naplate drugog potraživanja istog tražioca izvršenja ili potraživanja drugog tražioca izvršenja, neće se obaviti ponovni popis i procjena tih pokretnina, nego će se u nastavku zapisnika samo zabilježiti podaci iz kasnijeg rješenja o izvršenju.

## **3. Prodaja stvari**

### *Vrijeme prodaje*

### **Član 129.**

- (1) Između dana pljenidbenog popisa i dana prodaje mora proteći najmanje petnaest dana.
- (2) Prodaja se može provesti i prije isteka roka iz stava 3. ovog člana iz razloga navedenih u stavu 1. ovog člana ako izvršenik pristane da se prodaja obavi prije toga, ili ako su u pitanju stvari koje su podložne brzom kvarenju, ili ako postoji opasnost od znatnog pada njihove cijene, ili ako tražilac izvršenja da obezbjeđenje za štetu koju bi bio dužan nadoknaditi izvršeniku u slučaju da rješenje o izvršenju ne postane izvršno.

### ***Način prodaje***

#### **Član 130.**

- (1) Prodaja stvari se vrši putem usmenog javnog nadmetanja ili neposrednom pogodbom. Način prodaje određuje zaključkom sud, pazeći na to da se postigne najpovoljnije unovčenje stvari.
- (2) Javno nadmetanje provodi sudski izvršilac ili druga osoba određena od strane suda.
- (3) Prodaja neposrednom pogodbom obavlja se između kupca, s jedne strane, i sudskog izvršioca ili osobe koja obavlja komisione poslove, s druge strane. Sudski izvršilac pokretne stvari prodaje, u ime i za račun izvršenika, a osoba koja obavlja komisione poslove u svoje ime, a za račun izvršenika.
- (4) Prodaja javnim nadmetanjem određuje se ako su u pitanju stvari veće vrijednosti, a može se očekivati da će se prodati po većoj cijeni od procijenjene vrijednosti.
- (5) Prodaja stvari objaviće se blagovremeno na oglasnoj tabli suda, a može se objaviti i na način predviđen za objavljivanje prodaje nepokretnosti.
- (6) Tražilac izvršenja i izvršenik obavijestiće se o mjestu, danu i satu prodaje.

### ***Ročište za javnu prodaju***

#### **Član 131.**

- (1) Kod prodaje pokretnina shodno se primjenjuju odredbe člana 89. stav 1. i člana 90 st. 3 ovog zakona.
- (2) Ponuđač sa najvećom ponudom će platiti cijenu za pokretninu odmah nakon objavljivanja rezultata, ako sud zaključkom ne odluči drugačije. Ukoliko ponuđač ne plati odmah po pozivu suda, drugi ponuđač će biti proglašen kupcem i platiće onu cijenu koju je on ponudio i tako redom.
- (3) U slučaju da ni jedan od ponuđača sa odgovarajućom ponudom ne uplati cijenu odmah po pozivu suda, sud će na zahtjev jedne od stranaka, oglasiti da prvo ročište

nije uspjelo. Zahtjev sudu za zakazivanje novog ročišta stranka može podnijeti u roku 8 dana od održavanja neuspjelog ročišta.

(4) Sud na drugom ročištu za javno nadmetanje postupa u skladu sa prethodnim odredbama ovog člana ali se pokretnina koja je predmet prodaje može prodati bez ograničenja u pogledu iznosa njene cijene.

(5) Sud će obustaviti postupak ako nijedna stranka ne predloži održavanje drugog javnog nadmetanja u propisanom roku, ili ako se stvari ne uspiju prodati na drugom javnom nadmetanju odnosno putem neposredne pogodbe.

(6) Odredbe st. 1, 5 i 6 člana 89. ovog zakona na odgovarajući se način primjenjuju i u slučaju u kojem se pokretnina prodaje neposrednom pogodbom.

### *Predaja stvari prije plaćanja*

#### **Član 132.**

(1) Sudski izvršilac predaće stvari kupcu i ako nije položio cijenu, ako na to, na svoj rizik, pristane tražilac izvršenja i učesnici koji imaju pravo prvenstva kod namirenja, u granicama iznosa koji bi im pripali iz postignute cijene.

(2) Ako kupac ne položi cijenu u roku koji mu je određen, osobe iz stava 1. ovog člana mogu zatražiti od suda da u istom postupku naloži kupcu da im plati cijenu te nakon pravomoćnosti i izvršnosti tog rješenja protiv njega predložiti izvršenje.

### **4. Namirenje tražioca izvršenja**

#### *Namirenje jednog tražioca izvršenja*

#### **Član 133.**

(1) Ako se iz prodajne cijene namiruje samo jedan tražilac izvršenja, sud će, bez održavanja ročišta, rješenjem odrediti da se iz iznosa dobivenog prodajom stvari i oduzetog novca namire redom: troškovi postupka, troškovi određeni u izvršnoj ispravi, kamate do dana unovčenja stvari i glavno potraživanje.

(2) Višak prodajne cijene koji preostane nakon namirenja predaće se izvršeniku ako za to nema smetnji.

#### *Namirenje više tražilaca izvršenja*

#### **Član 134.**

(1) Ako se u izvršnom postupku namiruje više tražilaca izvršenja odnosno ako se, pored tražilaca izvršenja namiruju i osobe čija prava prestaju prodajom stvari, oni se iz prodajne cijene namiruju onim redom kojim su stekli založno ili drugo pravo

koje prodajom prestaje, ako zakonom za određena potraživanja nije propisano prvenstveno pravo namirenja.

- (2) Tražioci izvršenja istog reda koji se iz prodajne cijene ne mogu potpuno namiriti, namiruju se razmjerno iznosima svojih potraživanja.
- (3) Troškovi izvršnog postupka, troškovi određeni izvršnom ispravom i kamate imaju isti red namirenja kao i glavno potraživanje.
- (4) Pri donošenju rješenja o namirenju sud će uzeti u obzir samo ona potraživanja za koja je rješenje o izvršenju postalo izvršno do dana donošenja rješenja o namirenju.

### ***5. Primjena odredaba o izvršenju na nepokretnosti***

#### **Član 135.**

Odredbe ovog zakona o izvršenju na nepokretnostima primjenjuju se na odgovarajući način i u postupku izvršenja na pokretnim stvarima, ako odredbama ove glave nije drukčije određeno.

## ***XI– IZVRJENJE NA NOVČANOM POTRAŽIVANJU IZVRŠENIKA***

### **1. Opšte odredbe**

#### ***Mjesna nadležnost***

##### **Član 136.**

- (1) Za odlučivanje o prijedlogu za izvršenje na novčanoj tražbini i za provedbu tog izvršenja mjesno je nadležan sud na čijem se području nalazi prebivalište izvršenika, a ako izvršenik nema prebivalište u Federaciji, nadležan je sud na čijem se području nalazi izvršenikovo boravište.
- (2) Ako izvršenik nema u Federaciji ni boravište, mjesno je nadležan sud na čijem se području nalazi prebivalište izvršenikova dužnika, a ako ovaj nema prebivalište u Federaciji, nadležan je sud na čijem se području nalazi boravište izvršenikova dužnika.
- (3) Odredbe stava 1. i 2. ovoga člana koje se odnose na prebivalište fizičke osobe na odgovaraju}i se način primjenjuju i na sjedište pravne osobe.
- (4) Iznimno, tražilac izvršenja zakonskog izdržavanja može podnijeti prijedlog za izvršenje i sudu na čijem području ima prebivalište ili boravište.

#### ***Izuzimanje od izvršenja***

##### **137.**

- (1) Izuzeta su od izvršenja primanja po osnovu zakonskog izdržavanja ukoliko se ne radi o potraživanjima iste vrste.
- (2) Ppredmet izvršenja ne mogu biti potraživanja po osnovu poreza, taksi i doprinosa propisanih zakonom.

#### ***Ograničenje izvršenja***

##### **Član 138.**

- (1) Izvršenje na plati, nadoknadi umjesto plate, nadoknadi za skraćeno radno vrijeme i nadoknadi zbog umanjenja plate i penzije, primanja po osnovu nadoknade zbog tjelesnog oštećenja prema propisima o invalidskom osiguranju, primanja po osnovu socijalne pomo}i, primanja po osnovu privremene nezaposlenosti, primanja po osnovu dodatka na djecu, primanja po osnovu stipendije i pomoći učenicima i studentima i nadoknada za rad osuđenika može se provesti do iznosa od jedne polovine.

- (2) (2) Ograničenja izvršenja na novčanim potraživanjima izvršenika iz stava 1 ovog člana primjenjuju se samo ako potraživanja ne prelaze 1.000 KM mjesečno. Ako su potraživanja veća od 1.000 KM mjesečno, izvršenje se može provesti do iznosa od dvije trećine potraživanja.

### ***Izvršne radnje***

#### **Član 139.**

- (1) Izvršenje na novčanom potraživanju provodi se pljenidbom i prijenosom, ako ovim zakonom za pojedine slučajeve nije drukčije određeno.

### ***Obim izvršenja***

#### **Član 140.**

- (1) Pljenidba i prijenos novčanog potraživanja mogu se odrediti i sprovesti samo u iznosu koji je potreban za namirenje potraživanja tražioca izvršenja, osim ako je u pitanju nedjeljivo potraživanje.
- (2) Ako više tražilaca izvršenja traži izvršenje na istom potraživanju koje je djeljivo, pljenidba i prijenos određuju se u odgovarajućim iznosima, posebno u korist svakog tražioca izvršenja.

## **2. Pljenidba potraživanja**

### ***Dejstvo pljenidbe***

#### **Član 141.**

- (1) Pljenidba se sprovodi dostavom izvršenikovom dužniku rješenja o izvršenju kojim se izvršenikovom dužniku zabranjuje da izvršeniku ispuni novčano potraživanje, a izvršeniku se zabranjuje da to potraživanje naplati ili da inače raspolaže njim i zalogom koji je dat za njegovo obezbjeđenje.
- (2) Pljenidba je sprovedena danom dostave rješenja o izvršenju izvršenikovom dužniku.
- (3) Tražilac izvršenja pljenidbom stiče založno pravo na izvršenikovom potraživanju.
- (4) Izvršenikov dužnik nema pravo prigovora niti žalbe protiv rješenja o izvršenju .

### ***Pljenidba potraživanja zasnovana na vrijednosnom papiru***

#### **Član 142.**

- (1) Pljenidbu novčanog potraživanja zasnovanu na vrijednosnom papiru koji se prenosi indosamentom, ili za čije je ostvarenje inače potreban taj papir, sprovodi sudski izvršitelj oduzimanjem papira od izvršenika i njegovom predajom sudu. Pljenidba je obavljena oduzimanjem papira od izvršenika.
- (2) Pravne radnje potrebne za očuvanje ili ostvarenje prava iz papira iz stava 1 ovog člana obavlja u izvršenikovo ime sudski izvršitelj na osnovu zaključka suda.
- (3) Pljenidba novčanog potraživanja zasnovana na dionici za koju nije izdata isprava o dionici kao i na dionici koja glasi na ime za koju je izdata ta isprava obavlja se dostavom rješenja o izvršenju dioničkom društvu i Registru vrijednosnih papira. U tom slučaju odgovarajuće se primjenjuju odredbe ovog člana.

### *Založno pravo na kamate*

#### **Član 143.**

Založno pravo stečeno na potraživanju po kojem teku kamate odnosi se i na kamate koje dospijevaju nakon pljenidbe.

### *Prvenstveni red*

#### **Član 144.**

- (1) Prvenstveni red založnih prava više tražilaca izvršenja određuje se prema danu primitka izvršnog prijedloga.
- (2) Ako je izvršni prijedlog upućen poštom preporučenom pošiljkom, dan predaje pošti smatra se kao dan predaje sudu.
- (3) Ako su izvršni prijedlozi više tražilaca izvršenja primljeni u sudu istog dana, založna prava imaju isti prvenstveni red.
- (4) Potraživanja s istim redom prvenstva namiruju se srazmjerno, ako se ne mogu namiriti u cijelosti.
- (5) Ako zbog provedbe izvršenja na novčanom potraživanju prestaju založna i druga prava koja su stečena prije pokretanja postupka, prvenstveni red u namirenju tih prava određuje se prema propisima koji uređuju sticanje reda prvenstva tih prava izvan izvršnog postupka.

### *Pljenidba potraživanja obezbjeđena založnim pravom upisanim u javni registar*

#### **Član 145.**

- (1) Pljenidba potraživanja obezbjeđena založnim pravom upisanim u javni registar sprovodi se upisom pljenidbe u taj registar.
- (2) Upis se obavlja po službenoj dužnosti uz naznaku da je pljenidba, na osnovu koje je na potraživanju stečeno založno pravo, određeno radi namirenja potraživanja tražioca izvršenja.
- (3) Ako ima više tražilaca izvršenja, prvenstveni red njihovih potraživanja određuje se prema vremenu upisa.

### **3. Prenos potraživanja**

#### *a) Opšte odredbe*

#### *Vrste prijenosa*

#### **Član 146.**

- (1) Zaplijenjeno potraživanje prenosi se na tražioca izvršenja u skladu s njegovim prijedlogom, radi naplate ili umjesto isplate.
- (2) Tražilac izvršenja je dužan već u izvršnom prijedlogu zatražiti da se potraživanje na njega prenese radi naplate ili umjesto isplate, ako ovim zakonom nije drukčije određeno. O vrsti prijenosa sud odlučuje rješenjem o izvršenju.
- (3) U rješenju o izvršenju ili u posebnom rješenju o prijenosu pozvaće se izvršenikov dužnik da dužni iznos položi kod suda uplatom na određeni račun i da o tome obavijesti sud.

#### *Posebni uvjeti za prijenos nedjeljivog potraživanja*

#### **Član 147.**

- (1) Potraživanje koje se zasniva na vrijednosnom papiru koji se prenosi indosamentom ili za čije je ostvarenje potrebno podnošenje toga papira, ili koje se iz drugih razloga ne može dijeliti u pogledu prijenosa ili ostvarenja, može se prenijeti samo u svojem punom iznosu.
- (2) Ako taj iznos prelazi iznos potraživanja tražioca izvršenja, zaplijeno potraživanje }e se prenijeti pošto povjerilac položi jemstvo da }e taj višak predati sudu.
- (3) Potraživanje koje je djelimično izuzeto od izvršenja ili koje je ve} zabranjeno u korist drugih osoba, prenosi se pošto povjerilac položi jemstvo da }e sudu predati dio koji je izuzet od izvršenja.

Ako je više tražilaca izvršenja podnijelo prijedlog za prijenos u razne dane, sud će prenijeti potraživanje na tražioca izvršenja koji je prvi podnio prijedlog, a ako je više



tražilaca izvršenja podnijelo prijedlog istoga dana, potraživanje će se prenijeti na tražioca izvršenja čije je potraživanje najveće.

### ***Provođenje prijenosa***

#### **Član 148.**

- (1) Prijenos potraživanja je sproveden dostavom izvršenikovom dužniku rješenja kojim je prijenos određen.
- (2) Prijenos potraživanja zasnovan na vrijednosnom papiru koji se prenosi indosamentom ili kojeg je radi ostvarenja inače potrebno podnijeti, sproveden je kada sud na taj papir stavi izjavu o prijenosu i papir s tom izjavom preda tražiocu izvršenja.

### ***Obaveze izvršenika i tražioca izvršenja***

#### **Član 149.**

- (1) Izvršenik je dužan u roku koji odredi sud, a na zahtjev tražioca izvršenja na koga je potraživanje preneseno, dati objašnjenja koja su tražiocu izvršenja potrebna radi ostvarivanja tog potraživanja i predati mu isprave koje se na to potraživanje odnose.
- (2) Tražilac izvršenja na koga je prenesen dio potraživanja dužan je, ako to izvršenik zatraži, u roku koji odredi sud, dati obezbjeđenje da će nakon ostvarenja tog potraživanja vratiti isprave koje se odnose na potraživanje.
- (3) Sud će na prijedlog tražioca izvršenja sprovesti izvršenje protiv izvršenika radi predaje isprava ako ih on sam ne preda.
- (4) Predaju isprava koje se nalaze kod treće osobe tražilac izvršenja može zahtijevati tužbom, ako bi to pravo imao izvršenik.
- (5) Na ispravi koja se daje tražiocu izvršenja sud će zabilježiti da je proveden prijenos potraživanja za koje je određeno izvršenje.

### ***Polaganje novca kod suda***

#### **Član 150.**

- (1) Izvršenikov dužnik kojemu je dostavljeno rješenje o izvršenju ili posebno rješenje o prijenosu ispunjava svoju obavezu polaganjem novca ili vrijednosnih papira kod suda koji sprovodi izvršenje.
- (2) Ako je radi naplate prenesene novčane tražbine tražilac izvršenja morao pokrenuti sudski ili drugi postupak, sud ili tijelo koje vodi postupak, u odluci kojom prihvata zahtjev tražioca izvršenja naložit će izvršenikovom dužniku da dužni iznos položi kod suda koji provodi izvršenje.

- (3) Na osnovu odluke kojom je izvršenikovom dužniku naloženo da dužni iznos položi kod suda koji provodi izvršenje, na prijedlog tražioca izvršenja na koga je tražbina prenesena provest će se izvršenje protiv izvršenikova dužnika i novac naplaćen tim izvršenjem, nakon podmirenja troškova postupka, doznačiti po službenoj dužnosti sudu koji provodi izvršenje.

### ***b) Prenos radi naplate***

#### ***Ovlaštenja tražioca izvršenja***

##### **Član 151.**

- (1) Prijenosom potraživanja radi naplate ovlašćuje se tražilac izvršenja da traži od izvršenikova dužnika isplatu iznosa naznačenog u rješenju o izvršenju ili u posebnom rješenju o prijenosu, ako je taj iznos dospio, da obavlja sve radnje koje su potrebne radi očuvanja i ostvarenja prenesenog potraživanja i da se koristi pravima u vezi sa zalogom koji je dat za obezbjeđenje tog potraživanja.
- (2) Prijenosom potraživanja radi naplate tražilac izvršenja nije ovlašten na teret izvršenika zaključiti poravnanje, izvršenikovu dužniku oprostiti dug ili prenesenim potraživanjima inače raspolagati, te ni s izvršenikovim dužnikom sklopiti ugovor da odluku o potraživanju, ako je ona sporna, donese arbitraža.
- (3) Tražiocu izvršenja na koga je preneseno potraživanje radi naplate izvršenikov dužnik može istaknuti samo prigovore koje bi mogao istaknuti izvršeniku.
- (4) Ustupanje prenesenog potraživanja izvršeno od strane izvršenika poslije prijena nema pravnog dejstva na prava koja je tražilac izvršenja stekao prijenosom.

#### ***Prijenos radi naplate potraživanja upisanog u javni registar***

##### **Član 152.**

Prijenos radi naplate potraživanja upisanog u javni registar upisaće se po službenoj dužnosti.

#### ***Uvjetovanost obaveze izvršenikova dužnika predajom stvari***

##### **Član 153.**

- (1) Ako obaveza izvršenikova dužnika da isplati potraživanje zavisi od obaveze izvršenika da mu preda određenu stvar koja se nalazi u posjedu izvršenika, a ta je obaveza utvrđena pravomoćnom presudom, sud će, na prijedlog tražioca izvršenja na koga je potraživanje preneseno radi naplate, naložiti izvršeniku predaju stvari sudu radi predaje izvršenikovu dužniku.

- (2) Na prijedlog tražioca izvršenja, sud će prema izvršeniku koji nije predao stvar u određenom roku, provesti izvršenje radi predaje stvari.

### ***Obavještanje izvršenika o tužbi za naplatu prenesenog potraživanja***

#### **Član 154.**

Tražilac izvršenja koji je podnio tužbu radi naplate prenesenog potraživanja dužan je bez odlaganja obavijestiti izvršenika o pokrenutoj parnici, a u protivnom odgovara izvršeniku za štetu koja mu je tim propustom nanescna.

### ***Zakašnjenje u naplati prenesenog potraživanja***

#### **Član 155.**

- (1) Tražilac izvršenja koji se ne brine za naplatu prenesenog potraživanja odgovara za štetu koja je time nanescna drugom tražiocu izvršenja koji ima založno ili koje drugo pravo koje se namiruje iz potraživanja.
- (2) U slučaju iz stava 1 ovog člana sud može, na prijedlog drugog tražioca izvršenja, ukinuti rješenje o prijenosu potraživanja na neurednog tražioca izvršenja i potraživanje prenijeti na drugog tražioca izvršenja.

### ***Namirenje tražioca izvršenja***

#### **Član 156.**

- (1) Tražilac izvršenja na koga je potraživanje preneseno radi naplate namiruje se iz sredstava položenih kod suda.
- (2) Namirenje tražioca izvršenja i drugih osoba čija prava prestaju provođenjem izvršenja sprovodi se uz odgovarajuću primjenu odredbi čl. 133. i 134. ovog zakona.

### ***c) Prijenos umjesto isplate***

#### **Član 157.**

- (1) Zaplijenjeno potraživanje prelazi prijenosom umjesto isplate na tražioca izvršenja prenesenog iznosa, sa dejstvom ustupanja potraživanja uz naknadu.
- (2) Ako je preneseno potraživanje obezbjeđeno založnim pravom upisanim u javni registar, sud će po službenoj dužnosti, prenijeti izvršenikova prava na tražioca izvršenja a brisati založno pravo upisano u korist izvršenika.
- (3) Tražilac izvršenja na kojeg je potraživanje preneseno umjesto isplate dužan je potraživanje naplatiti po pravilima koja važe za potraživanja prenesena radi naplate, s tim da se novac dobijen ostvarenjem potraživanja isplaćuje izravno tražiocu izvršenja osim u slučaju iz stava 4 ovog člana.

- (4) Tražilac izvršenja na koga je potraživanje preneseno umjesto isplate smatra se namirenim i samim prijenosom, u visini tog potraživanja, ako u izvršnom postupku nije sudjelovalo više tražilaca izvršenja ili drugih povjerilaca koji se namiruju iz prenesenog potraživanja. Ako u izvršnom postupku sudjeluju takve osobe, tražilac izvršenja na koga je potraživanje preneseno umjesto isplate smatraće se tražiocem izvršenja na koga je potraživanje preneseno radi naplate.
- (5) Okolnost da je na tražioca izvršenja potraživanje preneseno umjesto isplate ne utiče na odgovornost izvršenika za istinitost i naplativost prenesenog potraživanja.

#### ***4. Posebne odredbe o izvršenju na plati i drugim stalnim novčanim primanjima***

##### ***Primjena odredbi glave XI ovog zakona***

##### **Član 158.**

U izvršenju na plati i drugim stalnim novčanim primanjima primjenjuju se odredbe čl. 137. do 157. ovog zakona, ako odredbama članova 158. do 165. ovog zakona nije drukčije određeno.

##### ***Rješenje o izvršenju***

##### **Član 159.**

- (1) Rješenjem o izvršenju na plati određuje se pljenidba određenog dijela plate i nalaže se poslodavcu koji izvršeniku isplaćuje platu da novčani iznos za koji je određeno izvršenje isplati odnosno isplaćuje tražiocu izvršenja nakon izvršnosti rješenja o izvršenju, ako ovim zakonom nije drugačije određeno.
- (2) Rješenje o izvršenju odnosi se i na povećanje plate do kojeg dođe nakon dostave rješenja o izvršenju kao i na sva primanja izvršenika po osnovu rada.

##### ***Izvršenje kada pravo na izdržavanje ima više osoba***

##### **Član 160.**

- (1) Ako pravo na zakonsko izdržavanje odnosno pravo na rentu za izgubljeno izdržavanje zbog smrti davaoca izdržavanja prema istom izvršeniku ima više osoba, a ukupni iznos njihovih potraživanja prelazi dio plate koji može biti predmet izvršenja, izvršenje se određuje i provodi u korist svakog od takvih tražilaca izvršenja srazmjerno visini njihovih potraživanja.
- (2) Ako nakon započetog sprovođenja izvršenja na plati odnosno drugom stalnom novčanom primanju bude podnesen novi prijedlog za izvršenje na potraživanje iz stava 1 ovog člana, sud će prije doneseno rješenje o izvršenju izmijeniti po službenoj dužnosti u smislu stava 1 ovog člana i odrediti iznos koji će se ubuduće isplaćivati pojedinim tražiocima izvršenja.
- (3) U slučaju iz stava 2 ovog člana, rješenje o izvršenju dostavlja se i ranijem tražiocu izvršenja koji protiv tog rješenja može izjaviti prigovor.

##### ***Mjesto isplate***

##### **Član 161.**

- (1) Potraživanja za koja nije propisano bezgotovinsko plaćanje tražilac izvršenja naplaćuje neposredno na blagajni na kojoj se izvršeniku isplaćuje plata.

- (2) Tražilac izvršenja ima pravo zahtijevati da mu se obustavljeni iznos isplaćuje poštom na adresu koju naznači ili na određeni račun kod banke, uz odbijanje troškova doznake.

### ***Prestanak rada***

#### **Član 162.**

- (1) Kad izvršeniku prestane rad rješenje o izvršenju djeluje i prema drugom poslodavcu kod kojeg dužnik stupa na rad i to od dana kad je tom poslodavcu dostavljeno rješenje o izvršenju.
- (2) Prijašnji poslodavac izvršenika dužan je bez odgode preporučenom pošiljkom s povratnicom dostaviti rješenje o izvršenju novom poslodavcu i o tome obavijestiti sud.
- (3) Prijašnji poslodavac obavijestiti će sud o prestanku rada izvršenika bez odlaganja ako mu nije poznat novi poslodavac, o čemu će sud obavijestiti tražioca izvršenja određujući mu rok radi pribavljanja podataka o novom poslodavcu.
- (4) (4) Ako tražilac izvršenja ne obavijesti sud u roku koji mu je određen o novom poslodavcu, sud će obustaviti izvršenje.

### ***Odgovornost poslodavca za propuštenu obustavu i isplatu dospjelih rata***

#### **Član 163.**

- (1) Tražilac izvršenja može predložiti da sud u izvršnom postupku rješenjem naloži poslodavcu da mu isplati sve rate što ih je propustio obustaviti i isplatiti prema rješenju o izvršenju.
- (2) Prijedlog iz stava 1 ovog člana tražilac izvršenja može podnijeti do završetka izvršnog postupka.
- (3) Rješenje kojim se usvaja prijedlog tražioca izvršenja ima dejstvo rješenja o izvršenju.
- (4) Poslodavac koji nije postupio prema rješenju o izvršenju ili je propustio postupiti po članu 162, st. 2 i 3 ovog zakona, odgovara za štetu koju je tražilac izvršenja zbog toga pretrpio.

### ***Zaplijena po pristanku dužnika***

#### **Član 164.**

- (1) Dužnik može ovjerenom ispravom dati saglasnost da se radi naplate potraživanja povjerioca zaplijeni dio njegove plate i da se isplati izravno povjeriocu, na način određen u toj ispravi. Takva isprava ima pravno dejstvo rješenja o izvršenju.

- (2) Ispravu iz stava 1 ovog člana sa dejstvima dostave rješenja o izvršenju poslodavcu dostavlja povjerilac preporučenom poštanskom pošiljkom sa povratnicom.
- (3) Izuzetno od odredbe stava 1 ovog člana, zaplijena na osnovu saglasnosti dužnika nema uticaja na sprovođenje izvršenja na plati radi namirenja potraživanja po osnovi zakonskog izdržavanja, naknade štete nastale po osnovi narušenja zdravlja ili smanjenja odnosno gubitka radne sposobnosti i naknade štete po osnovi izgubljenog izdržavanja zbog smrti davaoca izdržavanja.

### ***Primjena odredaba***

#### **Član 165.**

Odredbe članova 158. do 164. ovog zakona na odgovarajući se način primjenjuju i na izvršenje na drugim stalnim novčanim primanjima izvršenika.

### **5. Izvršenje na potraživanju po računu kod banke**

#### ***Prinudno izvršenje***

#### **Član 166.**

- (1) Izvršenje radi ostvarenja novčanog potraživanja prema izvršeniku može se provesti na svim sredstvima na njegovim računima kod banke, osim ako zakonom nije drugačije određeno.
- (2) Rješenjem o izvršenju na novčanim sredstvima koja se vode na transakcijskom računu izvršenika nalaže se banci da novčani iznos za koji je izvršenje određeno prenese sa transakcijskog računa izvršenika na transakcijski račun tražioca izvršenja, a za potraživanja za koja nije propisana naplata preko žiro računa kod banke, da isplati taj iznos tražiocu izvršenja u gotovom novcu.
- (3) Izvršenje na novčanom potraživanju, koje po štednom ulogu, tekućem ili žiro-računu, deviznom i drugim računima kod banke izuzev transakcijskog računa, pripada izvršeniku, određuje se tako što se rješenjem o izvršenju nalaže banci da novčani iznos za koji je određeno izvršenje isplati tražiocu izvršenja nakon izvršnosti rješenja o izvršenju. To rješenje ima dejstvo rješenja o izvršenju kojim su određeni zaplijena novčanog potraživanja i prijenos radi naplate.
- (4) U rješenju o izvršenju iz st. 2 i 3 ovog člana određuje se broj računa izvršenika s kojeg treba obaviti isplatu te broj računa tražioca izvršenja na koji isplatu treba obaviti ili drugi način obavljanja isplate.
- (5) Ugovor o štednom ulogu i svakom drugom depozitu se raskida po sili zakona danom izvršnosti rješenja o izvršenju bez obzira da li je oročen ili ne. Po namirenju potraživanja primjenit će se ugovorne odredbe o raskidu ovih ugovora.

#### ***Redoslijed naplate***

### **Član 167.**

- (1) Banka naplatu obavlja redom, prema vremenu dostave rješenja o izvršenju, ako zakonom nije drukčije određeno.
- (2) Banka vodi posebnu evidenciju redosljed rješenja o izvršenju po danu i vremenu dostave i izdaje tražiocu izvršenja, na njegov zahtjev, potvrdu o mjestu njegovog potraživanja u tom redosljedu.
- (3) Banka ne može provesti nalog izvršenika prije isplate potraživanja utvrđenog rješenjem o izvršenju, ako posebnim zakonom nije drukčije određeno.
- (4) S rješenjem o izvršenju izjednačena je isprava za koju je to predviđeno posebnim zakonom.

### ***Povremena davanja***

### **Član 168.**

- (1) Ako je rješenjem o izvršenju banci naloženo plaćanje određenih iznosa u određenim razmacima, ta će osoba obavljati isplate u skladu s nalogom iz rješenja o izvršenju.
- (2) U slučaju iz stava 1 ovoga člana, redosljed naplate svih budućih rata računa se prema vremenu dostave rješenja o izvršenju.
- (3) Banka vodi posebnu evidenciju rješenja o izvršenju kojim su naložena buduća povremena plaćanja.

### ***Postupak u slučaju kad nema sredstava na računu***

### **Član 169.**

- (1) Ako u vrijeme kad je banci dostavljeno rješenje o izvršenju nema sredstava na dužnikovom računu, banka će to rješenje držati u posebnoj evidenciji i po njemu obaviti prijenos kad sredstva pristignu na račun, ukoliko rješenjem o izvršenju nije drugačije određeno.
- (2) O tome da nema sredstava na računu banka će obavijestiti sud bez odlaganja.

### ***Postupak u slučaju smetnji za provođenje izvršenja***

### **Član 170.**

- (1) Ako banka smatra da postoje zakonske ili druge smetnje za izvršenje po odredbama ove glave, zadržat će rješenje o izvršenju, izvršiti pljenidbu sredstava izvršenika i o smetnjama obavijestiti sud.
- (2) Ako se radi o smetnjama trajne prirode sud će obustaviti postupak a u slučaju drugih razloga obavijestiti tražioca izvršenja i banku o daljem postupanju.



### ***Izvršenje prema solidarnom izvršeniku***

#### **Član 171.**

- (1) Ako na osnovu izvršne isprave dva ili više izvršenika solidarno odgovaraju, sud će, na prijedlog tražioca izvršenja, protiv njih donijeti jedno rješenje o izvršenju kojim se vrši pljenidba računa izvršenika, u iznosima određenim rješenjem o izvršenju.
- (2) Tražilac izvršenja može u prijedlogu za izvršenje odrediti redosljed po kojem će se obaviti naplata od pojedinih dužnika, a ako to nije učinjeno, naplata će se obaviti onim redom kojim su oni navedeni u prijedlogu.
- (3) Namirenje se vrši po odredbama iz stava 2 ovog člana tako da banka koja nema dovoljno sredstava na računima izvršenika dostavlja rješenje o izvršenju na provođenje banci narednog izvršenika uz izvještaj o do tada provedenom izvršenju, o čemu obavještava sud bez odlaganja.

### ***Redosljed namirenja s pojedinih računa pravnih osoba***

#### **Član 172.**

Ukoliko izvršenik ima novčana sredstava na više računa kod jedne ili više banaka, shodno se primjenjuju odredbe prethodnog člana.

### ***Izvršenje na sredstvima na deviznom računu***

#### **Član 173.**

Ako se izvršenje provodi radi naplate potraživanja u drugim sredstvima, sredstva s deviznog računa izvršenika preračunavaju se u ta sredstva po tečaju po kojem bi banka kod koje se vodi račun obavila to preračunavanje na zahtjev izvršenika i isplata se obavlja po pravilima o isplatama s računa koji se vode u tim sredstvima.

### ***Izvršenje radi naplate potraživanja u stranoj valuti***

#### **Član 174.**

- (1) Ako potraživanje utvrđeno u izvršnoj ispravi glasi na stranu valutu i ako izvršenik ima devizni račun u toj valuti, rješenjem o izvršenju naložiće se banci kod koje se vodi devizni račun izvršenika da prenese odgovarajući iznos u stranoj valuti s računa izvršenika na račun tražioca izvršenja, ili da isplatu u stranoj valuti izvrši na neki drugi dozvoljen način.
- (2) Tražilac izvršenja može zatražiti da se izvršenje radi namirenja njegovog potraživanja u određenoj stranoj valuti odredi i provede na drugim računima ili

predmetima izvršenika kao izvršenje radi naplate potraživanja u iznosu koji je potreban da bi se od ovlaštene osobe kupila dužna devizna sredstva.

- (3) Odredbe stavova 1 i 2 ovog člana primjenjuju se i kada se izvršenje određuje protiv izvršenika koje nisu pravne osobe.

### ***Odgovornost banaka za štetu***

#### **Član 175.**

Banka koja ne postupi u skladu sa rješenjem o izvršenju i drugim sudskim nalogima, odgovara za štetu prouzrokovanu tražiocu izvršenja po opštim pravilima o naknadi štete.

### ***Primjena odredbi ove glave***

#### **Član 176.**

U izvršenju na potraživanju po računu kod banke na odgovarajući se način primjenjuju odredbe čl. 136. do 157. ovog zakona, ako odredbama ovog zakona nije drukčije određeno.

**XII – IZVRŠENJE NA POTRAŽIVANJU DA SE PREDAJU ILI ISPORUČE  
POKRETNE STVARI ILI DA SE PREDI NEPOKRETNOST**

**1. Opće odredbe**

**Mjesna nadležnost**

**Član 177.**

Za odlučivanje o izvršnom prijedlogu na izvršnikovoj tražbini da mu se preda određena pokretna ili nepokretna stvar ili da mu se isporuči određena količina pokretnih stvari i za provedbu tog izvršenja mjesno je nadležan sud na čijem se području nalaze te stvari.

***Izvršne radnje***

**Član 178.**

Izvršenje na izvršnikovom potraživanju da se predaju ili isporuče pokretne stvari ili da se preda nekretnina sprovodi se zaplijenom tog potraživanja, njegovim prijenosom na tražioca izvršenja i prodajom stvari.

***Dejstvo prijenosa***

**Član 179.**

Prijenos zaplijenjenog izvršnikovog potraživanja ima dejstvo prenosa novčanog potraživanja radi naplate.

***Nedospjelost izvršnikovog potraživanja***

**Član 180.**

Ako izvršnikovo potraživanje još nije dospjelo, sud će naložiti izvršnikovom dužniku predaju stvari nakon dospijeća.

***Tužba protiv izvršnikovog dužnika***

**Član 181.**

Protiv izvršnikova dužnika koji nije voljan stvari da preda, tražilac izvršenja može tužbom tražiti predaju, ako o obavezi predaje nema izvršnu ispravu.

## *Primjena odredbi o izvršenju na novčanom potraživanju*

### **Član 182.**

Odredba ovog zakona o izvršenju na novčanom potraživanju izvršenika na odgovarajući se način primjenjuju i na izvršenje na potraživanju da se predaju ili isporuče pokretne stvari ili da se preda nepokretnost, ako odredbama ovog zakona nije drukčije određeno.

## **2. Pokretne stvari**

### *Prodaja stvari na čuvanje*

#### **Član 183.**

- (1) Rješenjem kojim se određuje prijenos izvršenikovog potraživanja sud će po prijedlogu tražioca izvršenja, naložiti izvršenikovom dužniku da pokretne stvari na koje se to potraživanje odnosi sam čuva, ako na to pristane odnosno preda službenoj osobi ili drugoj osobi na čuvanje.
- (2) Na čuvanje stvari na odgovarajući se način primjenjuju odredbe člana 122 ovog zakona.

### *Prodaja stvari i namirenje tražioca izvršenja*

#### **Član 184.**

Prodaja pokretnih stvari predatih na čuvanje te namirenje tražioca izvršenja obavljaju se prema odredbama ovog zakona o izvršenju na pokretnim stvarima.

## **3. Nepokretnosti**

### *Prodaja tražiocu izvršenja*

#### **Član 185.**

- (1) Rješenjem kojim se određuje prijenos izvršenikovog potraživanja sud će naložiti izvršenikovom dužniku da nepokretnost na koju se to potraživanje odnosi preda tražiocu izvršenja.
- (2) Tražilac izvršenja je dužan nekretninom, u ime i za račun izvršenika, upravljati kao dobar privrednik, odnosno dobar domaćin, i da sudu, na njegov zahtjev, položi račun o upravljanju.

## *Prodaja i namirenje tražioca izvršenja*

### **Član 186.**

- (1) Tražilac izvršenja može radi namirenja svog potraživanja, u roku koji ne može biti duži od trideset dana od dana kad mu je nekretnina predata, predložiti sudu prodaju te nepokretnosti.
- (2) Ako tražilac izvršenja ne predloži blagovremeno prodaju, sud će obustaviti izvršenje i ukinuti sve provedene izvršne radnje.
- (3) Nepokretnost se prodaje i tražilac izvršenja namiruje prema odredbama ovog zakona o izvršenju na nekretninama.

**XIII – IZVRŠENJE NA DIONICI I OSTALIM REGISTRIRANIM  
VRIJEDNOSNIM PAPIRIMA TE NA OSNIVAČKOM ILI DRUGOM  
UDJELU U PRAVNOJ OSOBI**

*Mjesna nadležnost*

**Član 187.**

- (1) Za odlučivanje o prijedlogu za izvršenje na dionici i ostalim registriranim vrijednosnim papirima (u daljem tekstu: dionice) te osnivačkom ili drugom udjelu u pravnoj osobi i za provedbu tog izvršenja mjesno je nadležan sud na čijem se području nalazi prebivalište odnosno sjedište izvršenika kao vlasnika dionice ili udjela.
- (2) U slučaju da izvršenik nema prebivalište odnosno boravište ili sjedište na području Bosne i Hercegovine, mjesno je nadležan sud prema mjestu sjedišta emitenta vrijednosnih papira odnosno sjedište pravne osobe u kojoj izvršenik ima udio.

*Izvršne radnje*

**Član 188.**

- (1) Na dionici izvršenje se sprovodi pljenidbom dionice, njezinom procjenom i prodajom te namirenjem tražioca izvršenja. Izuzetno, dionica se na prijedlog tražioca izvršenja a uz saglasnost izvršenika može prenijeti na tražioca izvršenja u nominalnoj vrijednosti, umjesto isplate.
- (2) Na udjelu u pravnoj osobi izvršenje se sprovodi pljenidbom udjela, njegovom procjenom i prodajom te namirenjem tražioca izvršenja.
- (3) Izvršne radnje iz ovog člana sprovode se i kada je ugovorom ili pravilima pravne osobe ograničeno ili zabranjeno raspolaganje dionicama ili udjelima.

*Pljenidba dionice*

**Član 189.**

- (1) Pljenidba dionice obavlja se dostavom rješenja o izvršenju Registru vrijednosnih papira. Pljenidbom tražilac izvršenja stiče založno pravo na dionici. Rješenje o izvršenju se istovremeno dostavlja depozitaru i emitentu dionice.
- (2) Registar vrijednosnih papira dužan je u Registru upisati da je na dionici zasnovano založno pravo u korist tražioca izvršenja momentom prijema rješenja o izvršenju. Registar je dužan bez odlaganja obavijestiti sud o zakonskim smetnjama za zasnivanje založnog prava.

- (3) Nakon upisa pljenidbe u Registar vrijednosnih papira, Registar ne smije u odnosu na zaplijenjene dionice obaviti u Registru bilo koji upis na osnovu raspolaganja izvršenika. Registar je dužan bez odlaganja obavijestiti sud o svakoj promjeni u pogledu zaplijenjenih dionica, posebno o prisilnom izvršenju radi naplate kojeg drugog potraživanja ili o obezbjeđenju takvog potraživanja.
- (4) Izvršeniku je zabranjeno raspolagati zaplijenjenom dionicom. Upozorenje o toj zabrani te o krivično-pravnim posljedicama njene povrede unijeće se u rješenje o izvršenju.

### ***Procjena i prodaja dionica te namirenje tražilaca izvršenja***

#### **Član 190.**

- (1) Dionice podesne za promet na berzi vrijednosnih papira prodaju se u skladu sa Zakonom o vrijednosnim papirima, uz posredovanje brokera kojeg sud odabere, nakon izvršnosti rješenja o izvršenju.
- (2) Dionice koje nisu podesne za promet na berzi vrijednosnih papira prodaju se na javnom nadmetanju ili neposrednom pogodbom. Neposrednom pogodbom dionice prodaje sudski izvršilac ili osoba ovlaštena za prodaju dionica kojoj je sud povjerio prodaju. Sudski izvršilac ili osoba ovlaštena za prodaju dionica sklapaju ugovor o prodaji dionica u ime izvršenika na temelju zaključka suda koji ih na to ovlašćuje.
- (3) Ako se dionice prodaju na javnom nadmetanju ili neposrednom pogodbom, procjena, utvrđivanje prodajne cijene i prodaja dionica te namirenje tražioca izvršenja obavljaju se uz odgovarajuću primjenu odredbi ovog zakona o izvršenju na pokretnim stvarima.
- (4) Ako se dionice iz stava 1. ovog člana ne prodaju u roku od dva mjeseca od dana prve ponude za prodaju na berzi ili u slučaju neuspjele prodaje iz stava 2, tražilac izvršenja može zahtijevati izvršenje putem prenosa dionice na sebe, umjesto isplate.
- (5) Sud je o ovom pravu izvjestiti tražioca izvršenja kada se ispune uvjeti iz stava 4. ovog člana i pozvati ga da u određenom roku podnese zahtjev za prenos dionica.
- (6) Ako tražilac izvršenja ne podnese zahtjev iz stava 5 ovog člana prethodnog stava, postupak je se obustaviti.

### ***Izvršenje na osnivačkom ili drugom udjelu u pravnoj osobi***

#### **Član 191.**

- (1) Zapljena osnivačkog ili drugog udjela vrši se dostavljanjem rješenja o izvršenju registarskom sudu odnosno drugom nadležnom registarskom organu radi zabilješke založnog prava.

- (2) Odredbe ove glave i odredbe o procjeni i prodaji pokretnih stvari na odgovarajući se način primjenjuju i na izvršenje na osnivačkom ili drugom udjelu u pravnoj osobi.

### *Pravo preče kupovine*

#### **Član 192.**

Ako drugi dioničari odnosno suosnivači ili sunosioci udjela imaju pravo preče kupovine zasnovano na zakonu, ugovoru ili pravilima pravne osobe na odgovarajući se način primjenjuju odredbe člana 83 ovog zakona.

## ***XIV – IZVRŠENJE NA DRUGIM IMOVINSKIM PRAVIMA***

### *Izvršne radnje*

#### **Član 193.**

Izvršenje na patentu, tehničkom unapređenju, plodouživanju i nekom sličnom izvršenikovom pravu sprovodi se pljenidbom tog prava te njegovim unovčenjem u skladu s odredbama ovog zakona o prodaji pokretnih stvari.



## **Poddio treći**

### **IZVRŠENJE RADI OSTVARENJA NENOVČANOG POTRAŽIVANJA**

#### ***XV - SUDSKI PENALI***

##### ***Izricanje sudskih penala***

##### **Član 194.**

- (1) Kad izvršenik ne izvrši u roku neku svoju nenovčanu obavezu utvrđenu izvršnom ispravom, sud će u izvršnom postupku, na prijedlog tražioca izvršenja, rješenjem odrediti izvršeniku naknadni primjereni rok i izreći izvršeniku da će, ako svoju obavezu ne ispuni u tom roku, biti dužan isplatiti tražiocu izvršenja određeni iznos novca za svaki dan zakašnjenja ili koju drugu jedinicu vremena (sudski penali) u smislu pravila o obligacionim odnosima, počev od isteka tog roka.
- (2) Protiv rješenja iz stava 1. ovog člana može se izjaviti žalba u roku od 8 dana. @alba ne odlaže izvršenje.
- (3) Naknadno određeni primjereni rok iz stava 1 ovog člana počinje teći od dostave izvršeniku prvostepenog rješenja kojim je taj rok određen. @alba ne utiče na tok tog roka.
- (4) Ako izvršenik najkasnije u roku od petnaest dana nakon pravomo}nosti rješenja iz stava 1 ovog člana ispuni svoju obavezu, sud može u istom izvršnom postupku na zahtjev izvršenika podnesen u roku od osam dana od ispunjenja obaveze, smanjiti iznos dosuđenih penala, vodeći računa o svrsi zbog koje je naredio njihovo plaćanje. Podnošenje tog zahtjeva bez uticaja je na određivanje i sprovođenje izvršenja na osnovu pravomo}nog rješenja o plaćanju sudskih penala iz stava 1 ovog člana.
- (5) Plaćanje sudskih penala može se tražiti sve dok se, na osnovu izvršne isprave, ne predloži izvršenje radi ostvarenja nenovčanog potraživanja.
- (6) Pravo na sudske penale prestaje od dana podnošenja prijedloga za izvršenje iz stava 5 ovog člana. Prinudna naplata sudskih penala dospjelih do toga dana može se tražiti u smislu člana 195 ovog zakona.
- (7) Ako izvršenje iz stava 6 ovog člana bude obustavljeno, pravo tražioca izvršenja na sudske penale oživljava.

## *Izvršenje radi naplate dosuđenih penala*

### **Član 195.**

- (1) Na osnovu pravomožnog rješenja o plaćanju sudskih penala iz člana 194 ovog zakona, sud će u istom izvršnom postupku u kojem je donio to rješenje, na prijedlog tražioca izvršenja, donijeti rješenje o izvršenju radi prinudne naplate dosuđenih penala.
- (2) Ako izvršenik u prigovoru protiv rješenja o izvršenju istakne da je svoju obavezu ispunio, sud će njegov prigovor prihvatiti u izvršnom postupku samo ako njegovu osnovanost dokaže javnom ili privatnom ispravom koja ima značenje javne isprave.

## ***XVI – IZVRŠENJE RADI PREDAJE I ISPORUKE POKRETNIH STVARI***

### ***Mjesna nadležnost***

#### **Član 196.**

Za odlučivanje o prijedlogu za izvršenje radi predaje jedne ili više određenih stvari ili radi isporuke određene količine zamjenjivih stvari te za provođenje izvršenja nadležan je sud na čijem se području nalaze stvari.

### ***Izvršenje radi predaje određenih stvari koje se nalaze kod izvršenika ili treće osobe***

#### **Član 197.**

- (1) Izvršenje radi predaje jedne ili više određenih stvari koje se nalaze kod izvršenika provodi se tako što sudski izvršilac oduzima te stvari od izvršenika i predaje ih uz potvrdu tražiocu izvršenja.
- (2) Na način iz stava 1 ovog člana izvršenje će se provesti i kad se stvari nalaze kod treće osobe koja ih je voljna predati sudskom izvršiocu.
- (3) Ako treća osoba nije voljna predati stvari, tražilac izvršenja može sudu predložiti da na njega prenese izvršenikovo potraživanje prema trećoj osobi na predaju stvari.
- (4) Na postupak po prijedlogu iz stava 3 ovog člana primjenjuju se odredbe ovoga zakona o izvršenju na potraživanju izvršenika da se predaju ili isporuče pokretnine.

### ***Izvršenje radi predaje određenih stvari koje se nisu mogle naći kod izvršenika niti kod treće osobe***

#### **Član 198.**

- (1) Ako stvari nisu nađene niti kod izvršenika niti kod treće osobe, sud će u istom postupku, na prijedlog tražioca izvršenja, procijeniti vrijednost tih stvari i rješenjem naložiti izvršeniku da tražiocu izvršenja u određenom roku isplati iznos te vrijednosti.
- (2) Tražilac izvršenja može prijedlog iz stava 1 ovog člana podnijeti u roku od tri dana od dana obavijesti da stvari nisu nađene. Ako tražilac izvršenja ne podnese taj prijedlog u određenom roku, sud će obustaviti izvršenje.
- (3) Na osnovu rješenja iz stava 1 ovog člana tražilac izvršenja može predložiti u istom postupku izvršenje radi naplate dosuđenog iznosa. Taj se prijedlog mora podnijeti najkasnije u roku od osam dana od donošenja rješenja iz stava 1 ovog člana.

- (4) Ako prijedlog iz stava 3 ovog člana ne bude podnesen u određenom roku, sud će obustaviti izvršenje te ukinuti rješenje iz stava 1 ovog člana i druge sprovedene radnje.
- (5) Tražilac izvršenja može zajedno s prijedlogom za izvršenje iz člana 197, st. 1 i 2 ovog zakona spojiti i prijedlog za donošenje rješenja iz stava 1 ovog člana. U tom se slučaju izvršenje prema članu 197 ovog zakona i postupak iz ovog člana provode istovremeno. Sud može odrediti izvršenje u smislu odredbe stava 3 ovog člana i započeti s njezinim sprovođenjem, ali se radnje unovčenja zaplijenjenih dijelova imovine izvršenika ili prijenos sredstava s njegovog računa ne mogu sprovesti prije nego što se utvrdi da se izvršenje iz člana 197, st. 1 i 2 ovog zakona nije moglo sprovesti.
- (6) Ako se izvršenje iz člana 197, st. 1 i 2 ovog zakona provede, sud će, po službenoj dužnosti, obustaviti izvršenje te ukinuti rješenje iz stava 1 ovog člana i druge sprovedene radnje u smislu odredbe stava 5 ovog člana. U tom slučaju tražilac izvršenja snosi u cijelosti troškove izazvane podnošenjem prijedloga iz stava 5 ovog člana.

***Izvršenje radi isporuke zamjenjivih stvari koje se nalaze kod izvršenika ili treće osobe***

**Član 199.**

Ako je izvršnom ispravom utvrđena obaveza na isporuku određene količine zamjenjivih stvari koje se nalaze kod izvršenika ili treće osobe, izvršenje se provodi na način propisan za predaju određenih stvari.

***Izvršenje kad zamjenjive stvari nisu nađene niti kod izvršenika niti kod treće osobe***

**Član 200.**

- (1) Ako stvari nisu nađene niti kod izvršenika, niti kod treće osobe, izvršenje će se provesti uz odgovarajuću primjenu odredbi člana 198 ovog zakona. Prilikom procjene vrijednosti stvari uzeće se u obzir potreba njihove nabave na drugoj strani.
- (2) Ako tokom izvršnog postupka dođe do promjene vrijednosti zamjenjivih stvari, tražilac izvršenja može zatražiti od suda novu procjenu te naložiti izvršeniku plaćanje razlike u vrijednosti. U tom slučaju primjenjuju se na odgovarajući način odredbe stava 1 ovog člana.

***Pravo na nadoknadu štete***

**Član 201.**

Odredbama ove glave ne dira se u pravo tražioca izvršenja da u parnici traži od izvršenika nadoknadu štete koja mu je nanescna tim što mu predaja odnosno isporuka stvari nije obavljena.

## ***XVII – IZVRŠENJE RADI ISPRAŽNENJA I PREDAJE NEPOKRETNE STVARI***

### ***Mjesna nadležnost***

#### **Član 202.**

Za odlučivanje o prijedlogu za izvršenje radi ispražnjenja i predaje nekretnine i za provedbu tog izvršenja mjesno je nadležan sud na čijem se području nekretnina nalazi.

### ***Način provođenja izvršenja***

#### **Član 203.**

- (1) Izvršenje radi ispražnjenja i predaje nepokretnosti provodi se tako da sudski izvršilac, nakon što udalji osobe i ukloni stvari s te nekretnine, predaje nekretninu u posjed tražioca izvršenja.
- (2) Ispražnjenju i predaji nepokretnosti može se pristupiti nakon isteka osam dana od dana dostave rješenja o izvršenju ako prigovor nije izjavljen, odnosno dostave rješenja kojim je prigovor izvršenika odbijen.
- (3) Ako je to potrebno, sud će protiv osoba koje ometaju sprovođenje izvršenja izreći novčane kazne iz člana 17 ovog zakona.
- (4) Na zahtjev suda policija i organ socijalnog staranja dužni su pružiti svu potrebnu pomoć u sprovođenju radnji iz stava 1 ovog člana.
- (5) Potrebnu radnu snagu i prevozna sredstva radi provođenja izvršenja dužan je obezbjediti tražilac izvršenja na zahtjev sudskog izvršitelja, koji tražiocu izvršenja mora biti saopšten najkasnije osam dana prije provođenja izvršenja.

### ***Uklanjanje pokretnih stvari***

#### **Član 204.**

- (1) Pokretne stvari koje su uklonjene s nekretnine predaju se izvršeniku, a ako on nije prisutan, odraslom članu njegovog doma}instva ili njegovom punomo}niku.
- (2) Ako pri preduzimanju izvršnih radnji nije prisutno nijedna od osoba kojoj se stvari mogu predati, ili ih te osobe neće da prime, stvari se predaju na čuvanje drugoj osobi, na trošak izvršenika. Tražilac izvršenja je dužan obezbjediti drugu osobu kojoj će se predati uklonjene stvari. Tražilac izvršenja može sam preuzeti stvari izvršenika na čuvanje.
- (3) Uklonjene stvari predaje na čuvanje drugoj osobi ili tražiocu izvršenja sudski izvršilac. Radnju sudskog izvršioca potvrđuje sud zaključkom. Sud može

naknadno zaključkom odrediti da se stvari povjere nekoj trećoj osobi umjesto onoj kojoj su predate.

- (4) O predaji drugoj osobi i o troškovima čuvanja sud obaviještava izvršenika, ako je to moguće, ostavljajući mu primjeren rok u kojemu može zatražiti predaju stvari nakon što nadoknadi troškove čuvanja.
- (5) Uz obavijest iz stava 4 ovog člana sud će upozoriti izvršenika da će, nakon isteka određenog roka, stvari biti prodane i da će se iz prodajne cijene namiriti troškovi čuvanja i prodaje stvari.

### ***Prodaja pokretnih stvari***

#### **Član 205.**

- (1) Sud će po službenoj dužnosti odrediti zaključkom prodaju stvari za račun izvršenika, ako ovaj u ostavljenom roku ne zatraži njihovu predaju i ne naknadi troškove čuvanja.
- (2) Dio cijene postignut prodajom koji preostane nakon podmirenja troškova čuvanja i prodaje stvari polaže se kod suda, u korist izvršenika.
- (3) Prodaja stvari obavlja se po odredbama ovog zakona o izvršenju na pokretnim stvarima.

### ***Izvršenje radi naplate troškova postupka***

#### **Član 206.**

- (1) Tražilac izvršenja može u prijedlogu za izvršenje radi ispražnjenja i predaje nepokretnosti zatražiti da se zajedno s izvršenjem odredi izvršenje na izvršenikovim pokretnim stvarima koje treba ukloniti s nekretnine radi naplate troškova izvršnog postupka.
- (2) Izvršenje iz stava 1 ovog člana određuje se i provodi po pravilima ovog zakona o izvršenju na izvršenikovim pokretnim stvarima radi naplate novčanog potraživanja, a na prijedlog tražioca izvršenja. Sud rješenjem određuje izvršenje.

**XVIII – IZVRŠENJE RADI OSTVARENJA POTRAŽIVANJA NA  
RADNJU, TRPLJENJE ILI NEČINJENJE**

***Mjesna nadležnost***

**Član 207.**

Ako je izvršenik dužan po izvršnoj ispravi obaviti određenu radnju ili trpjeti određene radnje ili se suzdržati od određene radnje, za odlučivanje o prijedlogu za izvršenje i za provedbu izvršenja mjesno je nadležan sud na čijem području izvršenik treba ispuniti obavezu po izvršnoj ispravi.

***Izvršenje radi ostvarenja obaveze na radnju koju može obaviti i druga osoba***

**Član 208.**

- (1) Izvršenje radi ostvarenja obaveze na radnju koju može obaviti i druga osoba provodi se tako da sud ovlašćuje tražioca izvršenja da na trošak izvršenika povjeri drugoj osobi da tu radnju obavi ili da je obavi on sam.
- (2) U prijedlogu za izvršenje tražilac izvršenja može predložiti da sud rješenjem naloži izvršeniku da unaprijed položi kod suda određeni iznos potreban za podmirenje troškova koji će nastati obavljanjem radnje od strane druge osobe ili tražioca izvršenja. Visinu iznosa sud određuje po slobodnoj ocjeni, uzimajući u obzir, po mogućnosti, troškovnik osobe ovlaštene za obavljanje takve radnje koji uz prijedlog za izvršenje priloži tražilac izvršenja.
- (3) Konačno rješenje o visini troškova iz stava 2 ovog člana sud donosi na prijedlog tražioca izvršenja odnosno izvršenika. Ako se naknadno pokaže da je na osnovu rješenja iz stava 2 ovog člana pribavljeno od izvršenika više sredstava nego što je bilo potrebno za pokriće troškova obavljanja radnje i troškova izvršnog postupka, sud će, na izvršenikov prijedlog, razliku vratiti izvršeniku ako on raspolaze sredstvima pribavljenim od izvršenika odnosno naložiće tražiocu izvršenja da u određenom roku tu razliku vrati ako je njemu stavljena na raspolaganje.

***Izvršenje radi ostvarenja obaveze na radnju koju  
može obaviti samo izvršenik***

**Član 209.**

- (1) Ako radnju može obaviti samo izvršenik, sud će rješenjem o izvršenju odrediti izvršeniku primjereni rok za ispunjenje obaveze.
- (2) Rješenjem o izvršenju sud će istovremeno zaprijetiti izvršeniku, a i odgovornim osobama u izvršeniku pravnoj osobi da će im izricati novčane kazne u skladu sa članom 17 ovog zakona ako u određenom roku ne ispuni obavezu.



- (3) Ako izvršenik u roku koji mu je određen ne ispuni obavezu, sud će, na prijedlog tražioca izvršenja dalje postupati po odredbama člana 17 ovog zakona.
- (4) Izvršenik koji je ispunio svoju obavezu u roku koji mu je sud odredio, dužan je bez odlaganja o tome obavijestiti sud i priložiti nesumnjive dokaze o tome. Nesumnjivim će se dokazom smatrati ovjerena pisana izjava tražioca izvršenja o tome da je radnja obavljena, zapisnik sudskog izvršioca o obavljanju radnje, nalaz i mišljenje sudskog vještaka da je radnja obavljena i sl. U protivnom, smatraće se da radnja nije obavljena.
- (5) Ako radnja koju može obaviti samo izvršenik ne ovisi isključivo o njegovoj volji (npr. stvaranje određenog umjetničkog djela i sl.), tražilac izvršenja nema pravo tražiti izvršenje iz stava 1 ovog člana, već samo nadoknadu štete.

### ***Izvršenje radi ostvarenja obaveze na trpljenje i nečinjenje***

#### **Član 210.**

- (1) Ako je izvršenik dužan trpiti preduzimanje neke radnje ili se suzdržavati od njenog preduzimanja, sud će, na prijedlog tražioca izvršenja koji tvrdi da se izvršenik ponaša protivno svojoj obavezi, rješenjem naložiti izvršeniku da se ponaša u skladu sa svojom obavezom i zaprijetiti mu novčanom kaznom u skladu sa članom 17 ovog zakona ako se nastavi tako ponašati.
- (2) Tražilac izvršenja može podnijeti prijedlog da se izvršeniku izrekne novčana kazna zato što se i nakon naloga suda ponašao protivno svojoj obavezi, u roku od petnaest dana od saznanja za takvo ponašanje, a najkasnije u roku od jedne godine od povrede obaveze. Ako ovi rokovi bezusješno proteknu sud će rješenjem odbiti zahtjev za izricanje novčane kazne i obustaviti postupak a tražilac izvršenja gubi pravo na podnošenje novog prijedloga za izvršenje na osnovu iste izvršne isprave.
- (3) Na izvršenje iz stava 1. ovog člana na odgovaraju}i se način primjenjuju odredbe člana 209 ovog zakona.

### ***Izvršenje radi uspostavljanja predašnjeg stanja***

#### **Član 211.**

- (1) Ako je zbog ponašanja izvršenika protivno obavezi iz izvršne isprave nastala promjena koja nije u skladu s pravom tražioca izvršenja sud će ovlastiti tražioca izvršenja, na njegov prijedlog, da sam, a po potrebi i uz pomoć sudskog izvršitelja, uspostavi predašnje stanje na trošak i rizik izvršenika.
- (2) U pogledu polaganja iznosa potrebnog za podmirenje troškova za uspostavljanje predašnjeg stanja i određivanja konačne visine tih troškova primjenjuju se odredbe o troškovima za izvršenje radnje koju može, pored izvršenika, obaviti i druga osoba.

- (3) Ako je do promjena iz stava 1 ovog člana došlo nakon nastanka izvršne isprave, sud će postupiti u skladu s odredbom stava 1 ovog člana tek pošto utvrdi da je do promjene došlo zbog ponašanja izvršenika.

### *Ponovno smetanje posjeda*

#### **Član 212.**

- (1) Ako je na osnovu izvršne isprave, donesene u postupku zbog smetanja posjeda, izvršenje sprovedeno, ili je izvršenik dobrovoljno ispunio svoju obavezu, pa poslije toga ponovo učini smetanje posjeda, koje se u biti ne razlikuje od predašnjeg, sud će na prijedlog tražioca izvršenja, na osnovu iste izvršne isprave, ako je njom zabranjeno takvo buduće ponašanje, donijeti novo rješenje o izvršenju radi uspostave predašnjeg stanja, ako je to potrebno, i zaprijetiti izvršeniku izricanjem novčane kazne ako ponovo počini smetanje posjeda. U tom se slučaju na odgovarajući način primjenjuju odredbe članova 209 i 210 ovog zakona.
- (2) Prijedlog za izvršenje iz stava 1 ovog člana tražilac izvršenja može podnijeti u roku od trideset dana od dana saznanja za ponovno smetanje posjeda, a najkasnije u roku od godine dana nakon ponovljenog smetanja.

### *Pravo na nadoknadu štete*

#### **Član 213.**

Odredbama ove glave ne dira se u pravo tražioca izvršenja da u parnici traži nadoknadu štete koja mu je nanešena tim što se izvršenik ponašao protivno svojoj obavezi utvrđenoj u izvršnoj ispravi.

## ***XIX– IZVRŠENJE RADI VRAĆANJA ZAPOSLENOG NA RAD ODNOSNO U SLUŽBU***

### ***Mjesna nadležnost***

#### **Član 214.**

Za odlučivanje o prijedlogu za izvršenje na osnovu izvršne isprave kojom je poslodavcu naloženo da zaposlenika vrati na rad i da člana tijela izvršenika vrati u službu i za provedbu izvršenja, mjesno je nadležan sud na čijem je području zasnovan radni odnos.

### ***Rok za podnošenje prijedloga za izvršenje***

#### **Član 215.**

Prijedlog za izvršenje na osnovu izvršne isprave kojom je poslodavcu naloženo da zaposlenog vrati na rad odnosno službu može se podnijeti u roku od trideset dana od dana kada je tražilac izvršenja stekao pravo da taj prijedlog podnese.

### ***Način sprovođenja izvršenja***

#### **Član 216.**

Izvršenje na osnovu izvršne isprave kojom je izvršeniku naloženo da tražioca izvršenja vrati na rad odnosno u službu provodi se primjenom odgovarajućih odredbi člana 17 i odredbama ovog zakona o izvršenju radi ostvarenja obaveze na radnju koju može obaviti samo izvršenik.

### ***Nadoknada plaže u slučaju vraćanja zaposlenog na rad***

#### **Član 217.**

- (1) Tražilac izvršenja koji je podnio prijedlog da bude vraćen na rad odnosno u službu može predložiti da sud donese rješenje kojim će odrediti da mu je izvršenik dužan isplatiti na ime plaže mjesečne iznose dospjele od pravomoćnosti odluke pa dok ponovo ne bude vraćen na posao, te odrediti izvršenje radi naplate dosuđenih iznosa.
- (2) Prijedlog za naknadu može se spojiti s prijedlogom za izvršenje radi vraćanja na rad ili može biti podnesen naknadno do završetka izvršnog postupka.
- (3) Rješenje kojim se prijedlog za naknadu prihvata ima dejstvo rješenja kojim se utvrđuje postojanje obaveze izvršenika i dejstvo rješenja o izvršenju.

- (4) Izvršenik može predložiti da se rješenje iz stava 3 ovog člana stavi izvan snage, ako su se nakon njegovog donošenja izmijenile okolnosti na osnovi kojih je doneseno.
- (5) Mjesečna naknada plaće određuje se u iznosu koji bi tražilac izvršenja ostvario da je bio na radu. Mjesečna naknada obuhvata i plaćanje poreza te drugih davanja po osnovi plaće.
- (6) Tražilac izvršenja može svoje pravo na nadoknadu ostvarivati i u posebnom postupku pred sudom.
- (7) Ako je sud djelimično prihvatio zahtjev za isplatu naknade, uputiće tražioca izvršenja da ostatak ostvaruje u postupku pred sudom.

## ***XX – IZVRŠENJE DIOBOM STVARI***

### ***Mjesna nadležnost***

#### **Član 218.**

Za odlučivanje o prijedlogu za izvršenje diobom zajedničke stvari i za provedbu tog izvršenja mjesno je nadležan sud na čijem se području nalazi stvar.

### ***Fizička dioba***

#### **Član 219.**

- (1) Fizičku diobu zajedničke stvari sud će odrediti ako je takva dioba predviđena izvršnom ispravom.
- (2) Pojedine radnje sprovođenja fizičke diobe preduzima, prema okolnostima slučaja, sudija ili po njegovom ovlaštenju stručni saradnik ili sudski izvršitelj.
- (3) Sud će pozvati učesnike da prisustvuju sprovođenju diobe.
- (4) U slučaju potrebe sud će odrediti i vještačenje.

### ***Dioba prodajom***

#### **Član 220.**

Ako na osnovu izvršne isprave zajedničku stvar treba, radi njene diobe, prodati, prodaja će se obaviti na način propisan ovim zakonom za izvršenje na pokretnoj ili nepokretnoj stvari, osim ako se stranke o pojedinim pitanjima drukčije ne sporazumiju.

### ***Određivanje načina diobe rješenjem suda***

#### **Član 221.**

- (1) Sud odlučuje, po propisima o vlasničko-pravnim odnosima, hoće li se dioba obaviti fizički ili prodajom, ako izvršnom ispravom način diobe nije određen niti su se stranke o tome sporazumjele.
- (2) Dioba će se obaviti prodajom ako se u izvršnom postupku utvrdi da fizička dioba, određena izvršnom ispravom, nije moguća ili je moguća samo uz znatno smanjenje vrijednosti stvari.

### ***Troškovi postupka***

**Član 222.**

- (1) Troškove provođenja izvršenja po odredbama ove glave, snose svi sudionici srazmjerno vrijednosti svojih udjela u zajedničkoj stvari.
- (2) Stranka koja je prouzrokovala posebne troškove dužna ih je naknaditi onim strankama koje su ih imale.

**XXI - OSTVARENJE POTRAŽIVANJA NA DAVANJE IZJAVE VOLJE I  
UPISIVANJE U JAVNE REGISTRE**

***Bezuvjetno potraživanje***

**Član 223.**

- (1) Ako je dužnik odlukom koja ima svojstvo izvršne isprave obavezan na davanje izjave volje, smatra se da je izjavu sadržine kao u izvršnoj ispravi dao momentom pravomožnosti te odluke.
- (2) Ako je dužnik sudskim ili upravnim poravnanjem obavezan na davanje izjave volje, smatra se da je izjavu sadržine kao u poravnanju dao danom dospelosti njegove obaveze.

***Uvjetno potraživanje***

**Član 224.**

Ako ispunjenje potraživanja na davanje izjave volje zavisi od ispunjenja neke obaveze povjerioca ili kojeg drugog uvjeta, smatra se da je dužnik dao izjavu volje kad povjerilac ispuni svoju obavezu ili kad bude ispunjen koji drugi uvjet.

***Upis prava u javne registre***

**Član 225.**

- (1) Odredbe članova 223 and 224 ovog zakona na odgovarajući način i saglasno pravilima vođenja javnih knjiga primjeniti se kada je izvršnom ispravom utvrđena obaveza davanja isprave podobne za upis u javni registar.
- (2) Ako je izvršnom ispravom naložen upis u javni registar, obaviti se na temelju izvršne isprave na koju je stavljena potvrda o izvršnosti.

## **XXII - PRELAZNE I ZAVRŠNE ODREDBE**

### ***Postupci u toku***

#### **Član 226.**

Postupak izvršenja započet do dana početka primjene ovog zakona okonča}e se po odredbama ovog zakona.

### ***Prestanak važenja odredbi drugih zakona***

#### **Član 227.**

Odredbe drugih zakona koje se odnose na zahtjev za odlaganje i prekid izvršenja ne}e se primjenjivati u izvršnom postupku.

### ***Prestanak važenja važe}ih Zakona o izvršnom postupku***

#### **Član 228.**

Danom početka primjene ovog zakona prestaju va}iti odredbe Zakona o izvršnom postupku koji su se primjenjivali na teritoriji Federacije BIH.

### ***Stupanje na snagu Zakona***

#### **Član 229.**

Ovaj zakon stupa na snagu osmog dana od dana objavljivanja u "Slu}benim novinama Federacije Bosne i Hercegovine", a poče}e da se primjenjuje od 01. 01. 2003. godine.